

يوم إعدام الفقراء

تأليف

محمد المسلمي

كتابه الأجيال

المسلمي، محمد .

يوم إعدام الفقراء/ تأليف محمد المسلمي - ط ١
- الزقازيق

جريدة الأجيال المصرية، ٢٠٠٧.

١٠٢ ص، ١٩ سم - (كتاب الأجيال، ٤)

١- المسرحيات العربية

١- العنوان .

٨١٢

رقم الإيداع بدار الكتب ١٦٦٧٧ / ٢٠٠٧.

حقوق الطبع محفوظة للمؤلف

إهداء

إلى ..

فلذة كبدي

ومضغة جسدي

ومدد أمني ..

يوسف ولدي .

محمد المسلمي

الفصل الأول

[..تظهر خشبة المسرح علي أنها مشنقة

للإعدام ، حيث تتدلي حلقات الحبال المتعددة من
السقف ، موحية بكثرة من سيعدمون .. يقف في
مؤخرة المسرح ٩ فقراء مساقين للإعدام وفي مقدمة
المسرح يقف الجلاد ومعه جندي وشاويش ..]

الجندي محدش راضي يتشنق ، همه عملوا إيه علشان
يتشنقوا ..؟!

الجلاد هو بمزاجهم ، دي أوامر ، أما دي مصيبة تتكتب
في الجرايد .. قرب يا خويه أنت وهو علي حبل
المشنقه بالذوق .

الشاويش اسمعوا كلام حضرة الصول .

الجلاد يا باي .. انتم مناكفين دنيا وآخره .

الجندي انت عايزهم يتشنقوا بسهولة - دا عمر يا ناس .

الجلاد يا دفعه أنت عسكري عاصي .. متمرد .

الجندي

أنا ..؟!

الجلاد

الشاويش

الجندي

الشاويش

الجندي

آه .. ده قرار من فوق .. ما حدش يقدر يردد .

يا عسكري يا سكه أفهم ..

أفهم إيه يا شويش ..!

الميري قايم علي حاضر ونعم وبس

يا عالم فيه قرار في الدنيا أسمه إعدام الفقراء

!..

الجلاد

(مخاطباً الفقراء) أسمع أنت وهو أنتم حتتعدمو

لأن ده قرار دوله ، بالذوق كده .. كل واحد يمد

راسه علي الحبل اللي قدامه .. برضوا رافضين

تنفذوا الأوامر .

الشاويش

يا حضرة الصول خليك حازم وإلا حتضيع علينا

المكافآت والترقيات .

الجلاد

يا عسكري ..

الجندي

نعم يا فندم .

الجلاد

ابقي بلغ البيه المأمور عصيانهم عن الإعدام

علشان ما يلومناش علي التأخير .

الجندي أمر سيادتك
الجلاد ثلاثين سنة وأنا باتفذ أحكام الإعدام في المكان ده
عمر ما حد اتجراً وقال لأه .
الشاويش وإيه آخرتها معاكم ..؟!
الجلاد هو في حد يا مجانيين يقول للحكومة لأه ، أعلي
رتب أعدمتهم هنا .. ماحدش فتح بقة ...!
الشاويش (مخاطبا الجندي) مالك مبلد مش عايز تتكلم ؟!
الجندي حاتكلم أقول إيه ...؟
الشاويش قول ما انت بوز نحس حتضيع علينا قد كده علي
كل راس نعدمها من الفقراء .
الجلاد وشوف بقي الفقراء في البلد قد إيه .. أنت
عسكري رمه .
الجندي أنا .. الله يسامحكم
الجلاد صفقة ما كنتش تخطر علي البال لا علي خاطر .
الجندي يعني أنتم مقتنعين بإعدام الفقراء .
الشاويش يا عسكري ده قاتون الناس اللي فوق . اللي

| | |
|--|---------|
| حطينه احنا علينا التنفيذ وبس . | |
| يبقي كلامي لا حيقدم ولا حياخر . | الجندي |
| كده فهمت .. يا الله بقي ادخلوا علي حبل المشنقة | الجلاد |
| ما لكم متحين كده ...؟ | الشاويش |
| فاكرين نفسيكم ايه ..؟ يعني المشنقة دي يا ما | الجلاد |
| شافت علما ومفكرين ووزراء ورؤساء .. مش | |
| عايزين تنفذوا الاوامر ليه ..؟! | |
| أحسن قرار هو قتل الفقراء خلي دماغنا تروق | الشاويش |
| ومرتباتنا تزيد . | |
| والله أنا ما مقتنع بإعدام الفقراء . | الجندي |
| برضوا تاتي هو أنت يا عسكري محامي ولا | الجلاد |
| قاضي ..! | |
| أيوه حاجه تحزن نتبسط بشنق الفقراء ..! | الجندي |
| ما هو يا جلف لينا حوافز علي كل رقبة نقطعها . | الجلاد |
| نعمه وحنرفصها برجلينا - قرب للمشنقه انت | الشاويش |
| وهو . | |
| رزق العيال .. دي دعوة جدتي . | الجلاد |

الشاويش

الجلاد

الجندي

الجلاد

الجندي

الجلاد

الشاويش

الجلاد

الشاويش

الجلاد

الشاويش

الجلاد

الجندي

كانت بتقول إيه ؟..

كانت دايما تقول روح ربنا يجعل أوسع رزقك في
آخر عمرك .

يعني ربنا حيغنيك من ورا الفقراء !..

تسبحاته القادر .. ما غني بتوع النفط من
صحاري جرداء

أنا برئ من فلوسهم .

ياالله نشوف شغلنا قبل البيه المأمور ما ييجي
ويدينا بدل الحوافز جزاءات .

اتكسف علي طولك أنت وهو واتعدم

الأفضل تموتوا بالذوق .. إذا كان عندكم كرامه .

مش عايزين تتعدموا ليه ؟..!

ضروري واثقين انكم داخلين جهنم من أعمالكم

المهيبة .. اللي ضيعتكم دنيا وآخره .

مؤكد ده السبب .

ما هو اللي بيجي عندي ختامه بيبان .

أزاي ؟..!

الجلاد أقولك .. سمعت عن الوليه اللي قتلت جوزها

وعيالها علشان عشيقها .

الجندي آه الكل عارف حكايتها .

الجلاد

وأنا بأزر حبل المشنقه علي رقبتها صرخت

بالحق وقالت .. ما تموتنيش ما تدخلونيش القبر

ما ليش عين أشوف جوزي وعيالي أدخلوا علي

حبل المشنقه زمان التفتيش جاي والدنيا حنتقلب

فوق دماغنا .

الجندي

أما عجيبه .. قرار ولا في الأحلام نعدم الفقراء .

الجلاد

ياالله بسرعه .. أنتم أول دفعه لسه وراكوا يا ما

ويا ما .

الشاويش

ياالله أدخلوا علي المشنقه أنت وهو بدال ما

القيادة بيجي وتتهبب علي راسنا .

الجلاد

نفسكم في حاجه قبل ما تموتوا أجبلكم طقم

كازوزه - كله من خيركم .

الجندي

يعني دول جريمتهم أنهم فقراء وبس .

الجلاد

دول زي ما تقول نتيجتهم ظهرت .

الجندي

يعني إيه ...؟

الجلاد

شفت العيال اللي بيلعبوا طول السنة ولما النتيجة
تظهر ويسقطوا بيحولهم للشوارع أهم دول كده.

الجندي

أزاي ...؟

الجلاد

قعدوا يلعبوا في الدنيا لما النتيجة ظهرت وطلعوا
فقراء ورفدوهم وحولهم للآخره .

الجندي

يا سلام علي الفهلوه .

الجلاد

آه هي كده .. ثم علينا التنفيذ وبس .

الشاويش

والله يا سيدي شنقهم راحه لهم ومصلحه لينا
يعني قرار كله خير .

الجندي

خير إيه ...! دي خيبه أول مره تحصل في التاريخ

الجلاد

يا عسكري يا بوز النحس أسكت خالص ، يا الله يا
ساده جاءت سكرة الموت ، أنتم مش مؤمنين
بالله ...!

الفقراء

(في نفس واحد) لا إله إلا الله .

الجلاد

إيه العظمة دي دا كلكوا ثقة بالله - ادخلوا بقي

الشوايش الجلاد

علي حبل المشنقه .
واقفين ليه .. ما بتحسوش ؟..
مش فاهم باكيين علي الدنيا ليه .. ؟ حتي المثل
بيقول الدنيا ما بتهنش غير علي الفقرا - يا الله
بسرعه علشان نلحق نغسلكم وندفنكم في النور
مش عايز أموت .
عاجوني عايز أعيش .
ليه بتسئقوني أنا صغير ؟..
ليه بتعدموني ؟..
أنا بحب الدنيا .
رجعوني للحياه
هو أنا دخلت دنيا علشان تطلعوني منها !..
ومن سمعك جعلوني عاتسا .
أنا الفقير رغم أنه .
دا علي كده ما حنستفتحش أبدا !..
يا بني أنا عجوز رجليه وجعتني هات كرسي افعد
عليه .

فقير ١

فقير ٢

فقير ٣

فقير ٤

فقير ٥

فقير ٦

فقير ٧

فقير ٨

فقير ٩

الجلاد

فقير ١٠

الجلاد

وافرض جه تفتيش ..؟

فقير

وايه يعني ..؟

الجلاد

يا سلام .. يقولوا بدال ما تعدموهم مقعدينهم علي
الكراسي .

فقير ١

يا بني عايز أطول في الدنيا شويه علشان أسبح
ربنا .

الجلاد

يا سيدي أدي أنت حتروح له دي الوقت .. ياالله
مد رقبتك .

فقير ١

يا بني أنا مكنتش فقير ولا دي هم اللي فقروني .
دي مش محكمه .. هنا تنفيذ .

الجلاد

فقير ١

أخص عليكم يا ولادي الدنيا لهتكم ، ونسيتوني
بعد ما رييتكم ، وسفرنكم بره .

الجلاد

فقير ٢

لم تموت حيعرفوا غلطتهم .. ياالله استفتح الشغل .
يا سيدي أنا ما كنتش فقير .

الجلاد

فقير ٢

أمال إيه اللي فقرك ..!؟
صرفت فلوسي علي علاج الكبد ، وأخرتها فعدت
علي الحميد المجيد .. خد أقرأ ..

الجلاد

أقرأ إيه ...؟

فقير

ثمن الروشيتات إيش حقن وإيش أدوية وأنا راجل
أرزقي .. ألاحق علي إيه ولا إيه يمكن ترأف
بحالي ..

الجلاد

الميعاد خلاص انتهى اتسجلت فقير وأول دفعه في
الإعدام .

فقير

ما تصبروا عليه شويه يمكن حد يتبرع علي
بقرشين اتعالج بيهم وارجع ألقط رزقي تاني .

الجلاد

ومين حيصبر علي اللفة الطويلة دي .. يا لله أنت
علمهم المرجله .

فقير

أنا ياعموا اللي باللعب كوره شراب في الوسعايه
اللي قدام بيتكم .

الجلاد

وأنا بأقول شفتك فين .. فين ..؟

فقير

سيبني بقي اللعب .

الجلاد

يا فصاحتك ، ليه علي راسك ريشه .

فقير

وأنا أعملك إيه يا عمو ، حبقي غني منين ؟

الجلاد

أنت جاي تسألني يا واد .. ثم إيه فقرك ..؟

فقير٢

الجلاد

أبويه وأمي ماتوا في حادثة عربية .
أبوه يا واد أفكرت حادثة الميكروباس اللي دخل
في ترلة النقل .

فقير٢

الجلاد

آه وما كانوش موظفين ، مالهمش معاش .
أنت عايش مع مين ؟

فقير٢

الجلاد

مع جدتي العجوزه حقيقي غني أراي سيبيني .
اسيبك تلعب .

فقير٢

الجلاد

انا لو مت خالعب مع مين صحابي عايشين .
انا عارف حتلعب مع مين حلها في التراب .

فقير٢

الشاويش

ابوس ايدك ياعمو ما تموتنيش .
امال مين يا واد اللي حيصرف عليك في الدنيا
؟..

الجلاد

ينضم لأطفال الشوارع اللي عادوا اكثر من اطفال
البيوت .

فقير٢

الجلاد

انا مارضاش يا عمو ا بقي من اطفال الشوارع .
أما تناحه أمال ياواد الملايكة حتتبناك صحيح
لاتماشى العيل ولا تخلي العيل يماشيك .. وانت

فقيره

الجلاد

انا مش حتعدم

ليه برم ، ولا حبل المشنقة ما حيمشيس في رقبتك
- انت ياواد - عامل الخرساته .

فقيره

الجلاد

آه أنا اللي صابيلك الدور الرابع ده جزاتي .
انت ياواد فاكرا ان أنا هناك من عزم عليه
بسيجاره ولا قطعلي في أتوبيس أقوله روح
عيب أعدمك .

فقيره

الجلاد

انا صحيح فقير بس بعد ما خدتوا خيرى وشبابي
ماليش دعوه بالتظلمات ، عليه قطع الرقبه وبس
طيب انا موظف بتعدموني ليه ؟..
عايزين يريحوك أنت وأمثالك من المزار اللي أنتم
فيه لا حوافز ولا إضافي ولا زفت محوق في
ارتفاع الأسعار .. أنا موظف زيك .

فقيره

الجلاد

أنا عارف .
والله من غير يمين لو ما ربنا فرجها عليه : كوا
كنت حالوص السنة دي .

فقيره

ما هو أنا مرتب الدولة اللي مش مكفيني

| | |
|--|---------|
| تعدموني ليه ؟..! | الجندي |
| أما دي مصيبة ما حصلتش في الدنيا كلها . | الشاويش |
| انكتم .. قربوا يلينوا .. اسكت . | الجندي |
| اسكت علي إيه ؟.. علي خيبة مالاهاش مثيل . | الجلاد |
| أنت يا دفعة معاهم ولا معانا . | فقير ٦ |
| طيب وأنا ذنبي إيه تعدموني ؟! | الجلاد |
| مكتوب في الدفاتر فقير ، يعني نجيبك فلوس من | |
| عندنا ونحطها لك في جيبك - علي راسك ريشه . | فقير ٦ |
| أنا فلاح .. وأرضي معدتش مكفياتي أنا وعيالي | |
| وبهايمي وطيري . | الجلاد |
| ومفكرتش في حيلة تنقذك من الخيبة دي ليه ؟. | فقير ٦ |
| رحت أخذ حتت أرض في الصحرا | الجلاد |
| وبعدين مالفيتش الصحرا | فقير ٦ |
| لأه لقيت الباشوات وزعوا الأرض علي بعض . | الجلاد |
| قفلنا باب الأعذار .. أنت عملك طيب ؟ | فقير ٦ |
| آه باصلي الخمس فروض حاضر في الجامع . | الجلاد |
| خلاص مادام مالي إيدك من الأخرة مكلبش في | |

الدنيا ليه ؟..!

هي الحكاية ببساطه كده .

أمال إيه ؟..!

يا راجل إحنا في أيام حصيده والبهيمه علي وش
ولاده ومين حيرعي الطير ، هو إحنا زي الافنديه
اللي عاملين في البلد باشوات ولا بيزرعوا ولا
بيقلعوا ولا بيصنعوا ، والله عاليه همه ونسواتهم
وعيالهم علي قفاتنا ومقام سيدي الدسوقي اللي
يحكمني فيهم ..

(مقاطعا) حط في بقك بلغه قديمه واسكت ..

أنت فاكرك نفسك في الجرن ولا علي المصطبه ..

أدخل أنت علي الحبل طفي ناري من الراجل ده .

باقولكم إيه ؟..!

مالك مسعور كده ؟..!

ابعد عني وإلا حازر أنا علي رقبتك اقطعها .

والله عليك نور .

إلا الموت فاهم ده عدوي ؟..!

فقير٦

الجلاد

فقير٦

الجلاد

فقير٧

الجلاد

فقير٧

الجندي

فقير٧

| | |
|--|--------|
| هو بكيفك ؟.. | الجلاد |
| أه . | فقير ٧ |
| يا سلام .. وليه بقي كاره الموت . | الجلاد |
| باحب خطيبتي ، ولا يمكن حاموت لخدماتجوزها | فقير ٧ |
| واشبع منها . | |
| وماتجوزتهاش ليه يالميض ؟!.. | الجلاد |
| هو بايدي وما رضيتش . | فقير ٧ |
| أزاي بقي ؟.. | الجلاد |
| بقالي عشر سنين مخلص ولا لاقى شغله ولا | فقير ٧ |
| مشغلة . | |
| خالص !.. | الجلاد |
| باشتغل هنا شوية وهنا شوية وخاطب من سبع | فقير ٧ |
| سنين ومش قادر اتجوز .. شغلوني عايز اتجوز | |
| بالزمه ده خطيته في رقبة مين ؟!.. | الجندي |
| (مخاطبا الجندي) اتلهي واسكت . | الجلاد |
| عايز اشتغل باحب خطيبتي وعايز اتجوزها مش | فقير ٧ |
| عايز أموت . | |

الجلاد

أنت جاي تفش غلك فينا ادخلي أنتي يا بنت
الحلال خلينا نقضي مصلحة في يومنا الكوبيا ده .
هو أنا يا اخواتي لسه دخلت دنيا علشان تطلعوني
منها ...!

فقيرة ٨

الشاويش

فقيرة ٨

الشاويش

فقيرة ٨

الجلاد

الشاويش

فقيرة ٨

ينيلك بستين نيله أنت اسمه ما تجوز تيش ؟..
لأه .

دا أنت فاتك مية جيزة .

هو بايدي إيه ؟.. البنات حالها اتوقف .

يبقي الموت وجب .

مش عارفه تسلكي نفسك وتتجوزي

حطينا أبيض ، حطينا أحمر مفيش فايدة ، قصرنا
الهدوم طولنا الهدوم مفيش فييده .

يا سلام ...!

الجلاد

فقيرة ٨

قرينا الفنجال فتحنا الكتاب ، عملنا العمولات
مفيش فايدة .

يا سلام .

الجلاد

فقيرة ٨

حبينا وسبلنا عنينا وتقلنا وجفينا ، رمينا جتتنا

| | |
|--|---------|
| مفیش فایده . | |
| یا سلام . | الجلاد |
| لما کبرنا وعجزنا ومفیش فایده . | فقيرة ٨ |
| یا سلام !.. | الجلاد |
| یعنی اتحطمت لا وظیفه ولا جواز . | فقيرة ٨ |
| وأنا مالي اللي أعرفه إن أسمك قدامي من ضمن قائمة الفقراء اللي حيتعدمو اتفضلني أدخلي علي المشنقه . | الجلاد |
| بعینکم یا بعده أموت وأسیبکم . | فقيرة ٨ |
| عشتي دي في الجون . | الجندي |
| اتکتّم .. آمال عایزة إيه ؟.. | الجلاد |
| عایزه اعقدکم زي ما عقدتوني وأدمرکم زي ما دمرتوتي . | فقيرة ٨ |
| إيه الاشكال اللي تهبل دي ، تفضلني أنت أكبر منها شویه وأعقل . | الجلاد |
| جعلوني فقيره .. منك لله يا خواجه اللهی یاخدوک من هنا علي جهنم من غير ما تعدي علي القبر | فقيرة ٩ |

| | |
|---|---------|
| قادر ياكريم | |
| خواجه إيه يا وليه .. خلينا في اللي احنا فيه . | الجلاد |
| ما هو السبب . | فقيرة ٩ |
| عمل إيه ؟.. | الشاويش |
| كنت باشتغل في شركة وعاشه فل الفل . | فقيرة ٩ |
| وحصل إيه ؟.. | الجلاد |
| خصصوها واشتراها الخواجه وطرمني وبقيت | فقيرة ٩ |
| من زمرة الفقرا .. منه لله اللي كان السبب . | |
| تعرفي أنت بالذات . | الجلاد |
| إيه ؟.. | فقيرة ٩ |
| الإعدام اريحلك . | الجلاد |
| ليه بقي ؟.. | فقيرة ٩ |
| ارحملك من لبس الخيش بعد الحرير والجوخ | الجلاد |
| وأكلك الفشه والكرشه بعد الحمام والرومي . | |
| يعني تقتلوا القتل وتمشوا في جنازته .. آه يا | فقيرة ٩ |
| بلد . | |
| (يدخل جندي من الخارج) | |

| | |
|--|--------|
| تعظيم سلام .. انتباه . | الجندي |
| فيه إيه يا جندي ؟.. | الجلاد |
| القياده العليا وصلت . | الجندي |
| حيعدموكوا علي إيد غيري ، ضيعتوا الترقيه والحوافز منكم لله يا حوش يا صراده . | الجلاد |
| (يتقهقر الجندي ويخرج ، بينما يدخل قائدان) قولوا للترلات اللي حتحول الجثث يقفوا وراء الساحة . | قائد ١ |
| جايز نحتاج بكره لسبع أو تمن مشاتق يافندم . | قائد ٢ |
| فيه مشاتق مستورده حديثه حتوصل بكره شغاله بالريموت . | قائد ١ |
| خبر عظيم .. حيكون انجازهم ضخم . | قائد ٢ |
| طبعا .. يا جلاد . | قائد ١ |
| أمر سيادتك . | الجلاد |
| طلعوا الجثث اللي اتعدمت بره علشان الزحمه . | قائد ١ |
| ما عدمناش حد . | الجلاد |
| أمال بتلعبوا من الصبح . | قائد ١ |

الجلاد

قائد ١

حاولنا معاهم لكنهم عاصيين عن تنفيذ الأوامر .
ده قرار دولة .. وأنا شخصيا المكلف بالإشراف
عليه .. ومحدث يقدر يمنع تنفيذه .

الجلاد

قائد ١

ما كنتوا تمشوها بالذوق بدال الإحراج ده .
أقول إيه للصحافه والإذاعة والتلفزيون أقولهم
ورايا عيال عاجزين عن تنفيذ الأوامر .

الجندي

قائد ٢

يا فندم .. يا فندم .
أقف انتباه يا عسكري .. أنت عارف بتكلم مين ..
عايز إيه ؟..

الجندي

قائد ١

همه عايزين أسباب أدانتهم بوضوح .
هو أنا منتظرك تقولي احنا في دولة ديمقراطية ..
غور من وشي دي الوقت وانتم كمان .

قائد ٢

(يخرج الجلاد والشاويش والجندي)
كلام فارغ عايزين يضيعوا من سيادتكم فرصة
تشكيل الوزاره الجديدة .

قائد ١

حاسميتها وزارة الانطلاقة الكبرى .. الوزارة اللي
حتحكم شعب خالي من الفقراء .

| | |
|--|--------|
| وسياتك يافندم تستحق المنصب ده . | قائد ٢ |
| أنا صاحب شرف الفكرة دي . | قائد ١ |
| كلك وطنيه يا فندم . | قائد ٢ |
| المهم تتنفذ علشان ما يجيش غيرنا ياخذ ثمرة المنصب علي الجاهز . | قائد ١ |
| أفضل يانندم أقنعهم بأسباب إعدامهم . | قائد ٢ |
| أسباب إعدامكم معروفه كويس وأعلنهاا للملا .. | قائد ١ |
| لأن دي الخطه الأخيرة للإصلاح الاقتصادي الجذري . | |
| لا فض فوك يا فندم ما تنسنيش في التشكيل الجديد يافندم . | قائد ٢ |
| هي خطه التخلص من الفقر بالتخلص النهائي من الفقراء . | قائد ١ |
| ما شاء الله عليك لا فض فوك لا فض فوك . | قائد ٢ |
| ولكن علشان احنا في دولة ديمقراطية فيها شفافيه حارض عليكم أسباب إعدامكم علشان تكونوا مقتنعين ، احنا ما بنظلمش . | قائد ١ |

قائد٢

قائد١

قائد٢

قائد١

ما عاذ الله .. ما عاذ الله .

ودي ثمرة من ثمار الديمقراطية في بلدنا .

احنا بنفخر بحريتنا ووطنيتنا حماها الله .

أيها السادة الأفاضل .. سأتلو عليكم نص الوثيقة
التي يجب أن تعوها تماما كما عودنا شعبنا الأبى
المشاركة في صنع قراراته - فاتيه بعد تدارك
أسباب انهيار الاقتصاد وبعد اخفاق جهودنا في
القضاء علي الفقر علي مدي عقود كاملة جربنا
فيها خطط عاجلة ، وأجلة ، وشهرية وسنوية
 وخمسية ، وأذكركم بخطة الألف يوم وخططا
لاتعلموها الله وحده يعلمها ولم نجن منهم جميعا
سوي زيادة رقعة الفقر ، فرأفة بحالة الفقراء ،
قررت قيادتنا الرشيدة بتر الفقر نهائيا ، وذلك
بإعدام كافة الفقراء ، حتي نصبح بكل فخر
واعزاز البلد الوحيد الذي لا فقير فيه ..أيه
مفيش سقفه ؟!..

خليها عليك يا فندم طول عمرك بتضحى .

قائد٢

| | |
|--|-------|
| المهم البلد تقدر . | قائدا |
| كله عند الله في ميزان حسناتك . | قائدا |
| أنا حاطلع الدفعة الأولى علي أسباب إعدامهم ، | قائدا |
| أما الباقي حيخضع لنفس الأسباب . | |
| بارك الله فيك يا فندم . | قائدا |
| فقير واحد | قائدا |
| نعم يا فندم . | فقيرا |
| أحب أعرف ليه اتعدمت في ظل ديمقراطية شفافة | قائدا |
| يا فندم ولادي همه اللي سافروا وسابوني . | فقيرا |
| مالناش ذنب في تربيتك المنحطة . | قائدا |
| يا فندم همه طالعين متعقدين من هنا طافشين بلا | فقيرا |
| رجعه . | |
| احنا فيك انت . | قائدا |
| ما هو انا ضحيتهم وهمه ضحيتكوا . | فقيرا |
| أزاي بقي ..؟ | قائدا |
| كل ما كانوا يعملوا مشروع البلد تطفشهم لحد ما | فقيرا |
| سافروا وهي السفره وهناك بقوا من كبار رجال | |

الأعمال .

المهم انت هنا مفلس واتطبق عليك شروط

قائدا

الإعدام .

أنا صرفت عليهم اللي حيلتي لحد ما تعلموا

فقيرا

وهاجروا واللي حصل حصل ..!

وذهب ميزانية البلد المديونه إيه علشان ناخذ

قائدا

منها ونصرف عليك وولادك بيعمروا في دول

تاتيه ..؟

ما هو احنا اللي عقدناهم وطفشناهم .

فقيرا

اللي ولادك ما فيهم خير فيك عايز مين يكون له

قائدا

خير فيك .. خلاص قعدتك في الدنيا غلط .

أما دي خيبه تحير العاقل والأهبل .. اللي تعملوه

فقيرا

أعملوه .

افتتعت بأسباب إعدامك ، وأنا حاتطوع وأخذ العزا

قائدا

فيك علشان ولادك بره ..

ربنا يخليك للغلابه يا فتدم !.

فقيرا

وأنت بقي يا فقير ٢ .

قائدا

فقير ٢

قائد ١

فقير ٢

قائد ١

فقير ٢

قائد ١

فقير ٢

نعم .

انت مكتوب قدامي بايع متجول .

أه .. بأسرح بعسلية ونوجه وحلاوه وخذ الجميل
وعندك سكر وضغط وكبد .

رضا كل مجاييه حلوة .

وبتصرف علي الأمراض دي منين ؟..

والله يا بيه كان حالي ماشي قبل المرض لكن
الدخل مش مكفي العلاج ، ووشي أسود من سؤال
الناس ، أروح المستشفى يكشفوا عليه ويكتبولي
الروشته ويقولولي روح أصرفها من بره ..!

وبتصرفها منين ؟..!

ربنا يخلي ولاد الحلال .

لكن مكتوب في ملفك إن ولاد الحلال زهقوا منك
بالف اشحت في المواصلات .

وحتقضي العمر كله تسول .

هو أنا لقيت سكة تعفني عن التسول وأتأخرت .

إحنا حرصين علي كرامة أبناء شعبنا لذلك ما

قائد ١

فقير ٢

قائد ١

فقير ٢

قائد ١

فقير ٢

قائد ١

رضناش ليك تلقيح الجنت وذلّة النفس لذلك
كرامتك عندنا أهم من حياتك اللي بعده .. فقير ٣
(وأشار ناحيته)

فقير ٢

أنا يا عمو اللي بيقولوا عليه فقير ٣ ..

قائد ١

إيه الكوره الشراب اللي في أيديك دي ؟..

فقير ٢

أصلي بحب الكوره خالص .

قائد ١

كويس .. كويس .

فقير ٢

أصلي بأحب بلدنا وعايزها تاخذ كأس العالم .

قائد ١

ومين بالمبيض حيصرف عليك لحد ما تكبر وأنت

مهر بد وحافي ؟..!

فقير ٢

ما أنا أبويه وأمي ماتوا في حادثة .

قائد ١

عارف الورق قدامي .

فقير ٢

الناس قالولي حيطلعلني تعويض كبير قوي .

قائد ١

أمتي ؟..!

فقير ٢

بيقولوا القضايا دي بتحكم بعد عشرين سنة .

قائد ١

كنت عملت ميت حادثة سرقة ونصب ومخدرات .

فقير ٢

خلاص سلفوني اصرف لحد ما استلم الديه .

قائدا

ليه مخلفينك وناسينك عايزين نريحك من
مستقبلك الأسود .

فقير

يا عمو سيبني أنا باحب الكوره والقبر مفيهوش
لعب .

قائدا

عايز تلعب في القبر .

فقير

باقولك مفيهوش لعب وهمه بيدفنوا أبويه وأمي
وبيحطوا فوقهم أكوام تراب .. سيني اللعب .

قائدا

أنت يا واد لاقى تلبس ماداس لما تلعب .. أنت
عيل ما لكش رأي مسئول مننا ، إعدامك صح
الصح .. اللي بعده فقير .. أنت بقي بتاع
الخرسانة ..؟

فقير

أه ..

قائدا

أنت عارف أن بقالك عشرين سنه عامل
خرساته ..؟

فقير

أه عشرين سنه .. إيه عرفكم !؟

قائدا

في ورقك قدامي .. وكمان وافد من الجنوب .
أه .

فقير

قائدا

والتقرير يقول جيبك فاضي .

فقير

ما بيفضش مني حاجه .

قائدا

يعني عيشتك بؤس اللي أنت فيه من عشرين سنه
بتأكل وتشرب معسل بأجرك يعني طول النهار
شغال بالقصعه ومستخسر فيه أكل وأشرب
حجرين معسل ..

قائدا

يعني ضيعت عمرك في الشقا ، وممعش حاجه
تصرف منها بعد ما عجزت .

فقير

كنت عايزني أعمل إيه ؟..

قائدا

كنت تأمن علي نفسك تصرف معاش في كبرك .

فقير

حرام عليكوا يا عالم هو كان بيفيض مني حاجه
علشان أأمن علي روعي ما كفايه حرمتوا علينا
وظيفة تسندنا في كبرنا ، عايزين كمان تاخدوا
شقاتنا !..

قائدا

هو أنا اللي باحقق معاك ولا انت اللي بتحقق
معايا ؟..

قائدا

أنت يا حنطور انت عارف بتكلم مين .. اخرس ؟.

| | |
|-------|--|
| فقيره | حتعملوا فيه ايه أكثر من الإعدام .. قال تأمين !.. |
| قائده | فقيره موظف !.. |
| فقيره | أه . |
| قائده | انت حياتك كلها اقساط وجمعيات وكمبيالات |
| | واستبدال معاش . |
| فقيره | أه .. هو قدامي حل غير كده وأتأخرت . |
| قائده | يعني حياتك هم في غم !.. |
| فقيره | وبأيدي إيه !؟.. |
| قائده | انت مرتبك بكفيك كام ؟. |
| فقيره | أسبوع . |
| قائده | وباقى التلت أسابيع بتصرف منين ؟.. |
| فقيره | باشتغل قهوجي بعد الوظيفة وخفير علي سنتر |
| | تجاري بالليل . |
| قائده | علشان تعرف معالي الباشا رؤف بيك . |
| قائده | انا بقي حاخدمك خدمة العمر . |
| فقيره | خدمة إيه ؟.. |
| قائده | أنت رقم كام في المعدومين ؟.. |

| | |
|--|------|
| رقم خمسة يا سعادة الباشا . | فقير |
| ابسط يا عم حاخليك رقم ١ | قائد |
| الله أكبر .. ربنا يحفظك يا بيه . | قائد |
| اللي بعده .. وانت يا فلاح !.. | قائد |
| أنت عارف اني فلاح .. معاك طاقيه الاخفي ولا | فقير |
| مخاوي جن ، ولا مصاحب القرد للي . | قائد |
| ما بلاش لؤم الفلاحين ورغي المصاطب لو كنت | |
| فالح في الشغل زي الكلام ما كنتش حانك بقي كده | |
| ما كنا حلوين والأشيه معدن . | فقير |
| أمال إيه اللي حصل ، ما تكديش ورقك قدتمي . | قائد |
| حتت الأرض أتوزعت علينا أنا وأخواتي | فقير |
| وصبحنا فقراء . | |
| أنت بقي تقريرك زي الطين والسباخ . | قائد |
| يعني حيعدموني مرتين . | فقير |
| أنت بتقاوح علي خيبتك .. | قائد |
| ليه ؟..! | فقير |
| بدال ما كنا بنصدر المحاصيل بقينا بنستوردها ، | قائد |

| | |
|---|------|
| ومستكثر على روحك الإعدام . | فقير |
| وأضيف لجنابك كمان يا بيه . | قائد |
| تضيف إيه ..؟ | فقير |
| إن سعر الخضار والحبوب عاد سيأحي كمان .. | |
| يعني حييجي يوم يبقى كيلو الخضار أمله ما | |
| أحناش قدها . | قائد |
| نطقت الحق بلساتك . | فقير |
| بس مش احنا السبب . | قائد |
| أمال مين يا فلاح يا فصيح . | فقير |
| انتم . | قائد |
| إحنا ..! | فقير |
| أه .. بعد الأرض ما اتقطعت واتورثت قلت أخذ لي | قائد |
| حته في الأرض الجديده . | فقير |
| وما خدتش ليه يا قشار ..! | قائد |
| لقيت الباشوات والبهوات اللي لا ييزرعوا ، ولا | فقير |
| بيقتلوا ، وزعوها علي بعض . | قائد |
| أنت بتتهرب من الحكم لكن حتتعدم اللي بعدة تقدم | |

| | |
|--|--------|
| يا فقير ٧ . | فقير ٧ |
| نعم . | قائد ١ |
| أنت بقالك سبع سنين خاطب . | فقير ٧ |
| سبع سنين وشهرين . | قائد ١ |
| ما جتش من شهرين عملت إيه من يوم | |
| ما خطبت ؟.. | فقير ٧ |
| اشتريت أدوات المطبخ وأوده وتلاجه . | قائد ١ |
| يعني عايز خمسين سنة لما تكمل عفش الشقة ، | |
| وخمسين لما تشتري شقه . | فقير ٧ |
| هو أنا بأيدي حاجه واتأخرت ، معدش تعيين ، | |
| معايا شهادة عاليه وشغال يوم هنا ويوم هنالك . | قائد ١ |
| يعني حياتك محلك سر . | فقير ٧ |
| تمام . | قائد ١ |
| أنت بالذات عايزك تكون مقتنع ان وجودك في | |
| الحياه قلّه قيمه ليك وسمعه سيئه للبلد .. ثم | |
| واجب الاختصار معاك في الكلام . | |
| ليه ؟.. | فقير ٧ |

- قائد ١** ضروري أحافظ علي شعورك أنت مؤهل عالي
تتقدم في كامل أبهتك وعزك .
- قائد ٢** أنت إنسان يا سيادة القائد ربنا يحفظك .
- قائد ١** ده أقل واجب نعمله مع الرعيه .. فقيرة ٨
- فقيرة ٨** نعم عايز إيه من الحزينه .
- قائد ١** عايز نريحك خالص .
- فقيرة ٨** أنا بالعند فيكم مش عايزه أموت أبداً .
- قائد ١** يا سلام .
- فقيرة ٨** زي ما نكدتم عليه عيشتي حانكد عليكموا عيشتكوا
- قائد ٢** أنت بتمردي علي قرار دولة .
- فقيرة ٨** قرار إيه ودولة إيه .. اللي وصلنا فيها سن
- الـ ٤٠ سنة ولا تجوزنا ، ولا اشتغلنا مسئولية
- مين دي قوللي (تشير للقائد ٢) قوللي يا هاما
- والآخر تقولولي رقم ٨ في الفقراء وواجب
- إعدامك ..!؟
- قائد ١** يا بنتي دي فرصة حتضيع منك الوقت مش
- لصالحك .. حتكبري أكثر وأكثر .

قائد ٢

فقيرة ٨

انصحها يا فندم الدين النصيحة .
أنا رميت طوبة الجواز وحافضالكم أنا العاتس
المفترس .

قائد ١

أنت واجب :عدامك بالقوة .. زي خيل الحكومة
اللي عجز وضربوه بالنار .. إقناعك صعب اللي
بعده .

فقيرة ٩

قائد ١

ماعدش غير تحسبوني .

أمال حناسب مين ؟..

فقيرة ٩

قائد ١

حاسبوا اللي منه السبب ..

إحنا مهمتنا التخلص من حالات البؤس وبس .

فقيرة ٩

قائد ٢

يبقي ده ظلم .

مفيش طعون هنا .

فقيرة ٩

يعني تسيبوا الخواجه اللي جبته خرب بيتي
وتعدموني .

قائد ١

نصيبك كده ..

فقيرة ٩

دي أخرة فهلوتكوا جيتوا تقلبوا البلد لاقتصاد حر
خربتوها و ضيعتونا ، بعتوا القطاع العام وما

| | |
|---|---------|
| عندناش قطاع خاص ..! | قائد ١ |
| خلاص ده زمن وانتهى . | قائدة ٩ |
| ما هو عليه أفساط شقه وأفساط عفش بنتي ، | |
| حرام عليكم اتسببتوا في طلاقى وكمان عايزين | |
| تعدموني . | |
| ما عندناش وقت أرجوكم . | قائد ١ |
| نفذ يا فندم تشكيل الوزارة حيضيع عليك . | قائد ٢ |
| عايزكم تقتنعوا باسباب إعدامكم في جو من | قائد ١ |
| الديمقراطية والشفافية اللي اتعودنا عليها تفضلوا | |
| علي حبل المشنقة يا جلد .. يا جلد .. | |
| (يدخل الجلد مسرعا) | |
| ما كان من الأول .. منكم لله ضيعتوا عليه حوافز | الجلد |
| كبيره . | |
| رافضين تاني الإعدام .. أنا ممكن أعدمكم بالقوة | قائد ١ |
| ، لكن عايزكم تكونوا مقتنعين علشان سمعة البلد | |
| ، وكرامتكم . | |
| ونعم الاخلاق ونعم القيادة ونعم القدوة . | قائد ٢ |

- قائد ١** ضروري تؤمنوا بأن بموتكم حتتقدوا البلد كلها
حتنتهي المشاكل اللي احنا بقالنا سنين طويلة
نعالج فيها مقدرناش .
- قائد ٢** كلامك كله عبر .
- قائد ١** ثم تأكدوا انكم حتتخلدوا زي الابطال اللي ضحوا
بحياتهم في الحروب علشان بلادهم تنتصر .
- قائد ٢** عايز نودعكم بالحب .
- قائد ١** بالبسمة .
- قائد ٢** بالعرفان للجميل .
- (يدخل الجندي)
- الجندي** سيادة القائد .
- قائد ١** فيه إيه يا عسكري .
- الجندي** الصحافة مقلوبة بره .
- قائد ١** يا دي الكسفه يادي الإحراج يادي الفضايح
الصحافة جت وحتكتب زي ماهي عايزه .
- قائد ٢** يا فندم كان خير البر عاجله وقضاء الحوايج في
الكتمان .

| | |
|--------|---|
| قائد١ | معدش ينفع الإعلام كله فضايح . |
| قائد٢ | وتشكيل الوزارة . |
| قائد١ | بقي في علم الغيب قول للصحافة تدخل يا عسكري |
| الجندي | أمرك يا فندم |
| قائد٢ | (ينصرف الجندي متجها ناحية الباب) |
| قائد١ | كنا خلاص تكة ونبقي فوق اخص يا حظ |
| قائد١ | الكارثة أن الإعلام يجيب التقصير منا إحنا |
| | ساعاتها حاتطير من كله حتة من الحاضر |
| | والمستقبل . |
| قائد٢ | خللي بالك حلو يا فندم . |
| قائد١ | (يدخل رئيس مجلس إدارة صحيفة حكومية ومعه محرر) |
| الرئيس | خضيتني بحسبك جريدة معارضة . |
| قائد١ | لاآه إحنا ... |
| | رئيس مجلس إدارة صحيفة مترليوز الحكومية |
| | بنفسه هنا . |
| الرئيس | إذا ماكنتش أول من يهتم بمصلحة الوطن |
| | والشعب مين حيهتم ؟.. |

| | |
|--------|--|
| قائد١ | عمر ك صاحب مواقف وطنيه . |
| الرئيس | رحلة طويلة من الكفاح من اجل الطبقة الكادحة والمساكين وبن السبيل وقليلي الدخل وقليلي الحيله . |
| قائد١ | أنت جيت بنفسك وشفت المجهود اللي أنا بابدله علشان اطبق القرار . |
| قائد٢ | معالي الباشا من الصبح وهو بيهاتي معاهم . |
| قائد١ | ضروري تركز علي موقفك ده في مانشيتات بكره ، عايز جريدة مترليوز تكون كلها عني دا أقل واجب يتعمل لمعاليك يافندم . |
| الرئيس | أنا سامع إن فيه تشكيل وزاري قريب صحيح . |
| قائد١ | آه .. ولو وفقت في القيام بالمهمة دي حيسند ليه التشكيل الجديد . |
| الرئيس | علي إية حال انت اقربلي من غيرك . |
| قائد١ | وانت كمان .. أنا عايزك باسلوبك الصحفي تقنع الجماعة دول علشان نخلص مهمتنا . |
| الرئيس | ضروري يا فندم وقبل صحافة المعارضة ما تيجي |

والمشكلة تتعقد .

قائد١

الرئيس

أنا حاديلك الفرصة تتكلم معاهم .
ليه طلب قبل ما تخرج .. كلف قوات مخصوصة
تحمي سيارتي الخاصة ، تمنها غالي جدا لأن
حرسى الشخصى حيعجز عن حمايتها .. المنطقة
كلها فقرا مؤكد نصهم حرميه .

قائد١

الرئيس

المحرر

الرئيس

المحرر

الرئيس

ما تخفش حراستها عليه .. يا الله إحنا ..

(يخرج قائد١، وقائد٢)

ازاي بتعنتوا أمام القانون والمصلحة العامة

ده يا فندم خبر يسوي مليون جنيه .

أي واحد يقف في وش القانون بلطجي .

نخلي عنوان بكره ثورة البلطجية .

أنت محرر وضروري تفهم أي لا بد أتكلم معاهم
بالذوق .. اسمع يا أخ أنت وهو أولا أنا رئيس
مجلس إدارة ورئيس تحرير جريدة مترليوز
القومية أكبر جريدة في البلد ورئيس تحريرها من
٢٣ سنة فانت يعني فاهم البلد ناسها وتاريخها ..

علشاتكم انتم ضحيننا بكل غالي وثمانين ودعم
للفقرا ، نص الدخل دعم للسلع علشاتكم لما
الاستثمار اتوقف والبلد اندينت والحال خرب ..
وللأسف انتم كل يوم بتزيدوا .

المحرر

الرئيس

دول بالعين الإيراد أول بأول .
بص من الشباك علي العربية ليسرقوها دي ثمنها
٢ مليون .

المحرر

الرئيس

موجوده يا فندم وبيحرسها حوالي ٥٠ عسكري .
كل ورق الجرايد عليكم لا زيادة في الأسعار
نطمئن محدودي الدخل .. سيظل الدعم كما هو
عقود عمل جديدة للشباب العاطل ، انفراجة قريبة
في الاقتصاد مفاجأة عظيمة في عيد العمال ،
زيادة حصص بطاقات التموين زواج جماعي
لـ ٥٠٠٠ عريس وعروس لا يملكون مصاريف
الزفاف ، معدش ورانا شغلته غيركم .. اكتب يا
أستاذ ما نشيت بكره .

المحرر

تفضل يا أستاذ ..

الرئيس

وداعا للفقير للأبد .

المحرر

ده الماتشيت الرئيسي .

الرئيس

أه ..

المحرر

واكتب إيه في الموضوع ؟..

الرئيس

انه بفضل القيادة الحكيمة والسياسة الرشيدة

ستصبح بلدنا البلد الوحيد في العالم الخالي

من الفقراء .

المحرر

ما نشيت نار وموضوع نارين .

الرئيس

أنت عارف إن إحنا علي وش انتخابات النقابة .

المحرر

أنا واثق أنك تحتفظ بموقعك في النقابة بعد

الموضوع ده اللي حيفجر قنبلة صحفية .

الرئيس

ضروري ندي الموضوع حقه علشان نحافظ علي

مكاننا .

المحرر

أكتب إيه تاتي ؟..

الرئيس

إنها لثورة عارمة ضد الفقر لاقتلعه من جذوره

لذا نهيب بأبناء بلدنا العريق انه من أجل إتمام

هذه المهمة النبيلة علي كل من يعثر علي فقير

الإبلاغ عنه فوراً علي رقم (٥٥٥.٥٥٥) فيأيها
الشعب العريق نهيب بك كما ساعدتنا في ذبح
الطيور للقضاء علي أنفلونزا الطيور نناشدك
تسليم الفقراء للقضاء عليهم حفظك الله أيها
الشعب وحفظ قادتنا الراشدين .

مقال هائل .

ده واجب وطني ضروري أديه .

كده الفقراء حيدخلوا علي الإعدام علي طول يا

ريس .

أنت محرر ساذج .

ليه يا ريس ..؟

إذا اتعدموا دي الوقت يبقى أتحرق المقال من

صالح جريدتنا تأجيل الإعدام .

معاك حق يا ريس كده حنوزع ملايين النسخ .

وأنت عارف نسبتنا إيه في التوزيع .

بالشكل ده حنربح أموال بالهبل .

طبعا مهنة كلها خير بس عايزه عقل .

المحرر

الرئيس

المحرر

الرئيس

المحرر

الرئيس

المحرر

الرئيس

المحرر

الرئيس

المحرر

الرئيس

كلام صح .. بس عاوز تأتي وفن في العرض .
وبعد ما يعدموا تنزل ملحق سريع عن تفاصيل
لحظات الإعدام وبعد كده ملحق عن فضل جريدتنا
في إتمام المهمة .. خير علي خير

المحرر

ربنا يطول لنا في عمرك مش كثير عليك منصبك
(يدخل أحد الصحفيين من المعارضة)

الصحفي

الرئيس

مين ؟!..! انتم سبقتونا علي هنا .
معقولة رئيس تحرير جريدة متراس
المعارضة !..!

الصحفي

أه رئيس تحرير جريدة متراس المعارضة اللي
وقفتكم عند حدكم علشان دوام الوفاق من النفاق
انتم اللي مطبوق عليكم دوام الخلاف
من الاعتساف .

الرئيس

الصحفي

قولي بقي إيه كارثة إعدام الفقراء اللي عملتم
منها إنجاز عظيم وبداية لوضعنا علي الطريق
الصحيح ماحنا بقالنا ثلاثين سنه نقول البلد
اتحطت علي الطريق الصحيح هي كانت الأول

الرئيس

علي الطريق الصحراوي ولا طريق الغبرة .
هدفنا تكون بلدنا مثالية عناصرها جيدة لا مجال
للضعفاء فيها حنطبق علي شعبنا نظرية الانتخاب
والاختيار شعبنا من النهارده سيكون زي منتخب
البرازيل كل نجوم دوليين ، سياسة حكيمة ، قيادة
ملهمة .

الصعفي

وإذا رجعوا في قرارهم ؟..

الرئيس

عمرهم ما حيرجعوا

الصعفي

لو يعني ؟..

الرئيس

يحصل إيه ؟..

الصعفي

حتقف وتهلل .

الرئيس

أنا ؟..

الصعفي

أه .. وحتقول نحن مع المساكين والفقراء
ومحدودي الدخل ، هاهي المسئولية هاهي القيادة
الواعية الرشيدة إنها الرسالة ، إيه رأيك انفع
تاخذني معاكم بدال ما أنا يا إما في المعتقل يا إما
مفلس ؟..

الرئيس

الصحفي

انتم ربنا خلقكم لكشف العورات وبس .
انتم بقي اللي عذبتمهم في الدنيا وموتوهم قبل
ميعادهم .

الرئيس

الصحفي

يا أخي خليك متفائلين اختاروا عبارات لطيفة
نقول إيه ..؟

الرئيس

قولوا الدولة تقوم بعملية فرز وتجنيب لطبقات
الشعب .

الصحفي

الرئيس

ماشاء الله ، اساتذة في اختيار العبارات .

الصحفي

يا استاذ دي أمانة

الرئيس

أمانة ..أمانة إيه ..؟

الصحفي

طبعا كلامنا أمانة .

أمانة .. أمانة يا ليل .

الرئيس

انتم اللي ما بتشفوش من الورد غير شوكة ، كل
عناوينكم كذب ، مره تقولوا الديون تضاعفت
خمسين مره ، اللوبي الصهيوني اشترى جميع
الشركات المخصصة ، سحب جميع ارصدة
المعاشات والتأمينات .

الصحفي

الرئيس

انتم بتداروا كسفتكم من الموقف .

يا أستاذ يا مثقف الثورة الفرستية ضحت

بـ٢مليون علشان تتحط علي أول الطريق

الصحيح وزيتها أمريكا وأسبانيا وروسيا وإيطاليا

ده فلس حال النماذج الناجحة مالية الدنيا بس

الصحفي

نقلدهم صح وإحنا ننطور .

إحنا عددنا أصبح لايطاق .

الرئيس

الصحفي

يا أستاذ أنت عارف إن أغني دول أوروبا هيه

أكثرها عدد ألمانيا وانجلترا وفرنسا وإيطاليا

ومتساش إن الصين اللي عددها ١،٥ مليار

بتحقق اعلي نمو اقتصادي في العالم .

الرئيس

يا أستاذ لا داعي لعرقلة مسيرة الإصلاح

الاقتصادي وسبنا نكمل رسالتنا .. أيها السادة

المدعوون للإعدام أيها المناضلون .. أيها

الشهداء باسمي وباسم صحفي البلد الشرفاء

نناشدكم عدم السماع لهؤلاء الحقدة ولتتقدموا

بخطأ وثقة كلها وطنية إلي حبل المشنقة بغير

زحام حتى لا تحدث فيكم إصابات .
 منتاش زعلان علي قتلهم وحزين علي جرحهم .
 دول ولادنا .
 اهو ماحدش اتقدم يا فصيح .
 كل شئ حيتم ما تفرحش نفسك .
 وسيادتك جهزت ماتشيتات الرخاء اللي حييم بعد
 موت الفقراء .
 ثمرة القرار هي اللي حتفرض نفسها .
 زي المناشير ، آكلين عليهم عيش في حياتهم
 وفي مماتهم .
 إحنا ؟!..
 آمال إحنا ، يا ما جمعتم الملايين من وراهم .
 ملايين إيه اللي بتقول عليها ؟!
 أنت نسيت اللي كتبتة ، أش دبح نفسه علشان
 مصاريف عياله ، واللي قتل عجوز ليسرق خزننته
 واللي خنق جدته علشان ثمن علبة سجائر ، أقول
 إيه ولا إيه ؟!..

الصحفي

الرئيس

الصحفي

الرئيس

الصحفي

الرئيس

الصحفي

الرئيس

الصحفي

الرئيس

الصحفي

الرئيس

أنت مش شاطر غير في الرغي الهدام ، إحنا
بدأنا العمل الجاد والشعب حيشعر باتفراجه قريبه
بقالنا ربع قرن نسمع عن الانفراجة ..!

الصحفي

الرئيس

أهو جه معادها ، ياله يا سيد ، تقدموا علي حبل
المشنقة بخطا منظمة وما تسمعوش كلام الحقده
عايز المشهد يسجل للتاريخ .

الصحفي

الرئيس

الصحفي

(في سخريه) ما إحنا قلنا بلاش الزحمة .
إحنا تعودنا الصبر .

وإحنا برضوا اتعودنا نصبر عليكم .. خطط وراء
خطط أقولك على خطه تعفيكم من القيل والقال
وكثرة السؤال .

الرئيس

الصحفي

خطه إيه دي ..؟
الخطه القرنية ، خطه قرن كامل تتحاسبوا عليها
بعد مية سنة .. يكون الجميع ماتوا .. فكره هایل
(يدخل الجلاء)

الجلاء

هي إيه الحكاية .. عايز أشوف شغلي .. أنا ليه
علي الراس كذا .. انتم حتخربوا بيتي يا جماعة

.. ثم فيه تلت حالات بعيد عن الفقراء ..
منتظرين إعدامهم .

حالات إيه ..؟

الصحفي

الجلاد

واحد معاه حصاته واتضح إنه بيتاجر في البدره ،
والثاني بني عشرة أبراج واتطربقوا العشرة علي
اللي فيهم .. والثالث كل شوية يدخلوه المعتقل
قانون طوارئ لا يعرف داخل ليه ولا طالع ليه لا
له محامي ولا محكمة الآخر أعصابه فلتت منه
وربي دقته ومسك سلاح ونزل تقتيل في الأجانب
وأهل البلد سوي .. ما بنشفش غير الإشكال
الردية.

سمعت فلوسنا بتروح فين ..؟

الصحفي

دي شرذمه ضالة .

الرئيس

كل خيبة وليها عندكم ألف عذر .. " لقد أضل
فرعون قومه وماهدي "

الصحفي

يا جماعة أتصرفوا في الخيبة دي عايز أشوف
شغلي حافضل قاعد عاطل كده ، ربنا يعوض

الجلاد

علينا .

(يخرج)

شئ مؤسف لما الصحافة تعجز عن أداء دورها ،
لكن عملنا اللي علينا بلغنا فاشهدي يا بلد .

(في سخريّة) اشهدي انه لا إله إلا الله .. وعلي
الظالم تدور الدوائر .

(للمحرر) بص علي العربية لتكون اتسرقت .
موجوده يا فندم وحوليهها خمسين عسكري
بيحرسوها .

(يدخل القائدان)

مش ممكن .. لسه برضوا رافضين الإعدام .
إحنا صبرنا نفد .. كفايه تهاون واجب استخدام
القوة .

يا جماعة ضروري تفهموا إن المماطله معناها
سقوط هيبة الحكومة .. ثم استخدام القوة يعني
غياب الديمقراطية ، لذلك ضروري إقناعهم .
ضروري ياخذوا فرصتهم في الاقتناع بالود

الرئيس

الصحفي

الرئيس

المحرر

قائد ١

قائد ٢

قائد ١

الرئيس

والأمان .

الصحفي

قائد ٢

قائد ١

السلام والإعدام ، آخر الأفلام .

يا فندم الحسم أجدي حاليا .. التجارب فشلت .

أنا ماشي بخطه مرتبة .. أنا اديت السادة

الصحفيين فرصتهم الكافية ، لكن للأسف فشلوا ..

يا ريت يدو لغيرهم الفرصة .

(يخرج الصحفيان والمحرم)

قائد ١

(يكمل حديثه) طبعا كلنا أبناء الوطن الغالي

وواجب علي كل فرد يضحى من جانبه بطريقته

الخاصة . والا بيرتكب خيانه للامانه علشان كده

تعنتكم جريمه كبيرة في حق الوطن حيكون

نتيجتها عقوبة الإعدام .. لذلك باتا شدكم سرعة

قبول الإعدام من أجل الوطن اشرف وأعظم من

الإعدام لخيانة الوطن .

قائد ٢

يا فندم واجب الحزم قبل ما تضيع فرصتنا

العظيمة بسببهم .

(يدخل جندي)

| | |
|--|----------|
| يا فندم يا فندم . | الجندي |
| فيه إيه يا عسكري ؟.. | قائد ١ |
| مندوبة صندوق النقد الدولي جاية .. | الجندي |
| ضاع المنصب مني .. فرضتوا علينا الأجانب ، | قائد ١ |
| خلوها تتفضل . | |
| ودي جايه ليه دي الوقتي ؟.. | قائد ٢ |
| فيه مصالح متداخلة ما نقدرش نمنعها من | قائد ١ |
| المشاركة . | |
| (تدخل مندوبة صندوق النقد الدولي) | |
| سلام خبيبي . | المندوبة |
| مرحبا ارتاحي . | قائد ١ |
| اسمح خبيبي . | المندوبة |
| تفضلي قولي . | قائد ١ |
| انتم ناس مش تمام خبيبي . | المندوبة |
| ليه بس القلط . | قائد ١ |
| انتم اسحب فلوس كتير صندوق نقد . | المندوبة |
| دي فلوس تعامل بينا . | قائد ١ |

| | |
|---|----------|
| لأه .. انتم خريط خرابيط كثير . | المنذوبة |
| ليه ..؟ | قائدا ١ |
| انتم بتأخذوا فلوس علشان تاكلوا تتفسحوا تلبسوا | المنذوبة |
| وإحنا نروح في خيبة | قائدا ١ |
| ليه ..؟ | المنذوبة |
| خلاص خبيبي خلاص . | قائدا ١ |
| خلاص إيه ..؟ | المنذوبة |
| ماعدناش حنطلع فلس واحد الا بعد دراسة | قائدا ١ |
| جدوي كافية . | المنذوبة |
| (للفقراء) سامعين يا تافهين يا خونه . | قائدا ١ |
| كل فلوس بتاع إحنا راحت للفقرا بتاع انتم .. | المنذوبة |
| مفيش تسديد . | قائدا ٢ |
| هو احنا معانا واتأخرنا . | المنذوبة |
| قولنا نجدول ديون برضوا مفيش فايدة | قائدا ١ |
| خلاص المشكلة اللي بينا وبينكم حتتحل . | المنذوبة |
| أزاي ..؟ | قائدا ١ |
| اللي بينصرف عليهم مسعادتكم حنعدمهم خلاص . | |

الندوبة

مين دول خبيبي ؟..

قائد ١

فقراء البلد ؟

الندوبة

ماهم قاعدين هناك خبيبي .

قائد ١

سامعين اخص عليكم معندكوش إحساس .

الندوبة

انتم خبيبي بتضحكوا علينا .. احنا ماعدناش ..

قائد ١

ما تكملهاش جنخلص منهم جنخلص منهم .

الندوبة

كده يبقي كويس خبيبي حتاخدوا فبوس واحنا

مطمئنين ..

قائد ١

فهمين قصدها إيه ؟.. يعني كل فلوس القروض

بتاكلوا بيها وبتشربوا معسل .

قائد ٢

فعلا وجودهم معطل للاستثمار نهائيا .

الندوبة

اسمع خبيبي .

قائد ١

قولي عايزة إيه ؟..

الندوبة

آخر تعليمات صندوق نقد .

قائد ٢

تفضلي قولي تعليماتك .

الندوبة

انتم خصخصة انتهي .

قائدا

المنذوية

قائدا

المنذوية

قائدا

المنذوية

قائدا

المنذوية

كل شئ اتخصص بعنا كل حاجه .
تمام .. إذا رفضوا إعدام ارفع أسعار سلع .
سامعين .. إذا كنتم كده وماتنوش لقين تاكلوا
أمال لو الأسعار ارتفعت أكثر من كده ..؟!
خببي أنتت وهو نصيحه موت بكرامتك أحسن .
يعني الرأي مش رأينا وبس .
لأه خبيبي .. فقير ضروري يموت .. هو ده نظام
عالمي جديد .. فهمت .. أنا ماشي .
فهمت قصدك .
عايز كل سنة أجي أحضر إعدام فقراء لحد ما
تشطبوا علي بعض .. سلام خبيبي .
(تخرج المنذوية)

أنا لا يمكن أسيب الأمر يعدي كده حاسخدم جميع
وسائل الاقتناع ، علشان ما يبقاش عليه لوم بعد
كده ، أنا حاسخدم سلاح الفن لإقتاعهم والفن
تأثيره هایل ممكن أغنية أو فيلم بثير العالم كله .

ستار

الفصل الثاني

{..يفتح الستار علي استعراض هائل
وأغاني تحت الفقراء علي التضحية وقبول
الإعدام من أجل الوطن ، يسمع مكبر صوت
بهتف ..

من المكبر سيداتي أنساتي سادتي اسرع لحجز تذاكر حفل يوم
اعدام الفقراء قبل نفاذ التذاكر سعر التذكرة في
متناول اليد ٥٠-١٠٠-٢٠٠ ، يحي الحفل باقة من
المع النجوم ، احرص علي حضور الحفل من أجل
بلدك ،

انتهي الحفل ، وينصرف من علي المسرح من
فنانين ويبقي الفقراء ، والقائدان والجلاد .
الجلاد تفضلوا علي الحبل يا الله بسرعة .. أيه البلاده دي
.. كل ده ومحوفش فيكم !؟.

قائدا دي كارثة .

الجلاد دا تطرف مقنع .

قائدا أودي وشي فين من الفنانين اللي عطلوا أنفسهم

ليلة كاملة علشانكم ، كل واحد منهم ما خدش غير
٥٠ ألف بس رغم إن ليلته بالشئ الفلاني - دي
مهزلة واستهتار فاق الحد ؟

الجلاد أهم عندكم اتصرفوا معاهم لحد ما راسهم تلين
ابعتوا لي .

(ينصرف الجلاد)

قائدا المسألة تتطورت وأصبحت قضية عالمية وعواقبها
سيئة علينا إحنا بالذات .

أنا ماهتهونش في الأمر ، لكن ضروري استنفذ كل
وسائل الإقناع أولا .. إحنا طبعا بلد متدين وأنا
باجزم بشدة إن للدين تأثير قاطع في الأمر .. لذلك
أنا جبت واعظ ديني عظيم ، رجل علي درجة هائلة
من الباقة والثقة والقدرة علي الإقناع يعني راجل
وطني وبيقدر السلطة .. اعتقد إن الخاتمة علي يد
الراجل ده فرصة عظيمة ليكم أرجوكم متضيعوهاش
.. تفضل يامولاتنا .

(يدخل الواعظ في زيه الديني)

الواعظ

اللهم اهدهم .. اللهم أرشدهم سواء السبيل .. اللهم
لا تجعل الدنيا اكبر همهم ولا مبلغ علمهم وأخرجهم
من دار الباطل إلي دار الحق .

قائدا

يا فضيلة الشيخ الوضع أصبح خطير .. وفشل
مهمتك حيثسبب في كارثة كبيرة .. نرجوك تبذل كل
طاقة في اقتاعهم .. وأنا عند وعدي حاهديك عقد
عمل عظيم في دولة نفطية غنية .

الواعظ

اللهم اجعلها فاتحة خير ، ولا تهدر علي هذه
الفرصة ، اللهم ارزقنا وانت خير الرازقين .
حسبيالكم الفرصة الكافية وأنا واثق
في نتيجة مشرفة ..

قائدا

(يخرج القائدان)

الواعظ

أخواني الشهداء الأبرياء والذين بعد قليل
ستصبحون مع الأنبياء في مقعد صدق واني لانفت
عليكم هذه النعمة .. وأذكركم بأنكم لن تموتوا
فالجاهل يحتسب ذلك بل ستظلوا أحياء عند ربكم
ترزقون ، هذا مصير الشهداء الذين ضحوا بأنفسهم

من اجل بلدهم فهنينا لكم الجنة بريحاتها وحورها ..
تفضل يا سيد علي حبل المشنقة خير البر عاجله ..
تفضل يا أخ لا تتردد أنت في معية ربك .
يا مولانا ولادي همه سيب فقري .

فقيرا

الواعظ

ربيتهم لما بقوا رجال أعمال في الخارج نسيوني
ورموني .

فقيرا

الواعظ

أيها الرجل الطيب ألا تعلم أن هذا من علامات
الساعة .

فقيرا

أزاي يا مولانا ؟

الواعظ

من علاماتها أن يصبح الابن نكد أبيه .
بقي الساعة قربت .. القيامة علي وشك تقوم .

فقيرا

الواعظ

أه موت بجميلتها أفضل .

فقيرا

يا مولانا اقسملك أني مبغضيش الله أبدا .

الواعظ

ستجده حالا عند ربك .

فقيرا

واعبد الله حق عباده .

الواعظ

هنينا لك .

| | |
|--------|---|
| فقير١ | علشان كده بقول يسبوني عايش . |
| الواقع | ولماذا هذا التقاعس ؟! |
| فقير١ | لأكون من الخيار . |
| الواقع | كيف يا سيد ..؟ |
| فقير١ | لان خيرنا من طال عمره وحسن عمله . |
| الواقع | هذا هروب من الشهادة . |
| فقير١ | يعني أحطها في رقبة عالم واطلع سالم . |
| الواقع | ضعها في عنق أبناك .. وأنت يا سيد . |
| فقير١ | أنا مريض بالكبد . |
| الواقع | أنت لن تحتاجه بعد اليوم . |
| فقير١ | ليه يا مولانا ؟! |
| الواقع | لأن أكل الجنة لا يلزمه أحشاء . |
| فقير٢ | يا سلام ! |
| الواقع | اجل انه يختفي بعد تذوقه الشهى . |
| فقير٢ | حرام عالجوني .. ليه يا بلد تكلوني لحم وترمونى |
| | عضم ..يعني ده عدل ..؟! |
| الواقع | علاجك عدل . |

| | |
|--------|--|
| فقير٢ | خلاص عالجوني . |
| الواعظ | لكن استشهداك فضل . |
| فقير٢ | مش فاهم قصدك إيه ؟.. |
| الواعظ | بعني الفضل أعظم منزلة من العدل . |
| فقير٢ | خلاص خليكم انتم أهل فضل وعالجوني . |
| الواعظ | يا سيد هذا جدل .. وما هلكت الأمم السابقة إلا بكثرة الجدل . |
| فقير٢ | يعني أقول إيه ؟.. |
| الواعظ | الرضا أعظمك بالرضا . |
| فقير٢ | بعني ارضي . |
| الواعظ | اجل بقضاء الله حلوه ومره . |
| فقير٢ | مش عارف أرد أقول إيه أنا علمي علي قدي . |
| الواعظ | وأنت أيها الغلام ؟ |
| فقير٢ | نعم يا عمو . |
| الواعظ | بارك الله فيك أيتها النفس مطمئنة . |
| فقير٢ | هو هناك كورة قدم وطيارات ورق ؟ |
| الواعظ | هناك ملا عين رأت ولا أذن سمعت . |

فقير٢

هناك حيخلوني العب راس حربة زي ما كنت في
الدنيا .

الواعظ

ستسعد هناك أضعاف هنا .. هذه أول ثمرة وعظي
.. حقا الصبية ألين قلوب من الرجال والشيوخ ، يا
سادة انتم ستقبلون علي سلعة لن تبور ، ستذهبون
للجد وتودعون العب .

فقير٢

عمو عمو .

الواعظ

نعم يا بني .

فقير٢

أنت بتقول حنودع اللعب ؟..

الواعظ

أجل .

فقير٢

يعني هناك مفيش لعب ؟..

الواعظ

يا بني لعب غير اللعب .

فقير٢

أنت بتضحك عليه .

الواعظ

لماذا ؟..

فقير٢

عايزني أموت علشان معدتش اللعب .. لأه مش
عايز أموت .

الواعظ

هذا لعب صبيه حقا ، وأنت ماذا تعمل

فقير عامل خرسانة !!..
الواعظ آن الأوان أن ترتاح من دار الشقاء .
فقير دول بيقولوا يا مولانا لذتها في شقاءها .
الواعظ أتريد أن تحرم من نعيم الجنة لتتشقي في الخرسانة
فقير أه .
الواعظ إن هذا لشئ عجاب .. لماذا ؟
فقير علشان كان فيه واعظ زيك قاللي .
الواعظ ماذا قال لك هذا الواعظ ؟
فقير قاللي الكاد علي عياله زي اللي يبجاهد في سبيل
الله ، واللي بينام من تعب الشغل ربنا بيغفر له
ذنوب يومه .
الواعظ ألم يؤكد لك هذا الواعظ أن الفقير يدخل الجنة قبل
الغني بـ ٥٠ سنة .
فقير يعني كده وضعي هناك حبيبي فيه فيه .
الواعظ نعم ٥٠ سنة فرق بينك وبين الأغنياء !!.. إذا
تأخرت لتفتني ، أضعت هذه الفرصة العظيمة .
فقير طيب يا مولانا ما بلاش من عقد النفط وتيجي معانا

| | |
|--------|---|
| الواعظ | ومن يعظ الناس . |
| فقير | يعني عايز ترمينا في الجبانة وأنت تروح تروق في بلاد النفط . |
| الواعظ | يا بني سأذهب لأعظ هناك . |
| فقير | أنت عايز بلاد الفكّة يا عم .. أنت ترضي توعظ في بلد فقير |
| الواعظ | هذا هراء .. هراء . |
| فقير | لا يا عم إذا كنت عايز تستكردنا عليه النعمة ما حتعدم . |
| الواعظ | حقا لو خاطبني مائة عالم لغلبتهم ولو خاطبني جاهل واحد لغلبني .. وأنت يا سيد ما عمك . |
| فقير | موظف بسيط . |
| الواعظ | أحمد الله انك ستموت قبل الفضائح . |
| فقير | قصدك فضائح إيه ..؟ |
| الواعظ | مؤكد عليك شيكات وكمبيالات ، وأقساط |
| فقير | كلام صحيح .. لكن مين قالك ..؟ |
| الواعظ | قلب المؤمن دليله . |

فقيره بالعكس كلامك غلط .
الواعظ أنا ..!
فقيره أه .. عمري ما حرتاح إذا مت .
الواعظ كيف هذا ..؟
فقيره دا أنا لو اتعدمت دي الوقت حتبقي مصيبة .
الواعظ أزاي ..؟
فقيره أولا المديون ما بيصلوش عليه ..صح ؟
الواعظ أجل .
فقيره ثانيا حياجلو حسابي لحد ما سدد ديوني ..صح ؟
الواعظ أجل .
فقيره ومين حيسدد اللي عليه !!.. يعني حأركن من غير حساب لحد ما بيان لها صاحب بسبب قراركم المهيّب ده .
الواعظ أفصح ماذا تريد بلا خبث ؟
فقيره يعني ركنه بركنه اديني راكن هنا أحسن .
الواعظ بهذه البساطة ..!
فقيره جازي تفرج وأسدد اللي عليه وتبقي اتحلت لكن

أجازف ومأحدث يصلي عليه ، وأروح اركن هناك
كمان .. ده لايمكن .

الواقظ

انه لشئ عجاب .. دي كارثة .. حتضيع عليه
فرصة السفر .. البركة فيك يا سيد أنت ريفي
والفلاح كله شهامة ومروءة .

فقير٦

أنا آخر فل تعدموني ليه ..؟

الواقظ

آخر فل !!..

فقير٦

أيوه مزاجي عال العال .

الواقظ

مزاجك عال العال .

فقير٦

أه .. تعدموني ليه .. انتم عايزين راحتكم ولا
راحتي .

الواقظ

نحن نعمل للصالح العام .

فقير٦

أزاي بقي ..فهني ؟.

الواقظ

يا سيد عندما يكون الزرع كثيف ماذا تفعل به ..؟

فقير٦

ودي عايزه فكافة بنخفه .

الواقظ

هكذا نفعل .

فقير٦

هو حد قللك عندنا زحمة

| | |
|--|--------|
| أجل . | الواعظ |
| أبدا أنا فلاح ياللي فهمي علي قدي .. باقول عندنا قلة تصريف وعدم رحمة . | فقير |
| يا سيد انت وأسرتك الان تملكون بضعة قراريط بعد ما كاتوا أفدنه . | الواعظ |
| ما هو المسئولين السبب . | فقير |
| كيف ..؟ | الواعظ |
| قسموا الأرض اللي صلحوها علي بعض ونسيوا الفلاح اللي ربنا خلقه للفلاحة .. يبقى سوء تصريف ولا لأه ..؟ | فقير |
| أنت فلاح .. ما دخلك بالسياسة . | الواعظ |
| لما يتحرم علينا ندافع عن نفسينا .. يبقى ده ظلم ولا لأه ..؟ | فقير |
| أترفض جنة بها نخيل وأعناب ورمان ومالا عين رأت ، من أجل برسيم وجعضيض وفجل ، انه لشئ عجاب .. ألم تزهق من الفقر .!؟ | الواعظ |
| الفقر اللي طفش مني . | فقير |

الواعظ

كيف هذا ؟..

فقير

الفقر عقد خلق الله في الدنيا كلها وبيجي عندنا
احنا الفلاحين وبنعقد أمه .

الواعظ

كيف ؟..!

فقير

اقولك .

الواعظ

قل .

فقير

يبقي الواحد مننا في ايده سيجارة ما حلتوش غيرها
وكل نفس بيطلعه بموال شكل وإذا ما كنش حيلته
حتي السيجارة بيتلم علي جيرانه وييشتركوا في
باكوا معسل والبوصه تلف علي كل واحد شفته
والضحك للصبح وتعرف .

الواعظ

ماذا ستقول أكثر من هذا العجب ؟!

فقير

إذا ماكنش معايا لاده ولاده تعرف باعمل إيه ؟..
قل قل .

الواعظ

فقير

اطلع فوق السطح وادفن جتتي في القش وانعس
واشخر ولا علي بالي .
شئ عجاب .

الواعظ

فقره واسمع بودني الفقر عمال يعوي ، وينوح ويقول

ففعت مرارتي يا مجرم .

ومرارتي أنا الآخر .

تعرف بيفكرني بيايه فقري .

بماذا ...؟

بالشيطان يوم الحج .

ماذا تقصد ...؟

لما ربنا يغفر للناس العاصية كلها ، وشقي الشيطان

يروح علي الفاضي ويقوم يدلدل ودانه . ويترمي

علي وشه ويسف تراب ويصرخ .

أه لقد طفقت الفقر الذي أزهدق أرواح العالم فهل

ستعجز عن تطقيقي كلا ثم كلا .

تعرف يا مولانا .

لا تطل حتي لا انفجر .

لينا قرايب رتب كبيرة في البندر لما الدنيا تضيق

بيهم وأعصابهم تسبب من بعضها يجولي علي البلد

جري علشان اتسيهم قرفهم وأفطسهم من الضحك .

الواقظ

فقير٦

انه لشيء عجاب !..
علشان كده باقول يا واد أنت فقرك سبب رواقه بالك
تقوموا عايزين تحرموني من النعمة دي دور علي
غيري .

الواقظ

فقير٧

أنت لا أمل فيك أبدا تعالي أنت .
نعم مؤهل عالي مش لاقى شغل وخاطب من ٧ سنين
مش قادر أتجوز كل يوم باشتغل في حته شكل
..عايز حاجه يامولاتا تاني .

الواقظ

فقير٧

يا بني في الجنة بنات حور أفضل من نساء الدنيا .
يا مولاتا أنا بأحب واحده وعاييز أجوزها .
يا بني .

الواقظ

فقير٧

يامولاتا حد قلك أنا عاييز أتجوز حورية .

الواقظ

فقير٧

بابني بقائك هنا عذاب لك .
مقدرش أفارق خطيبتي لحظة واحدة .
ومن أين ستحصل علي عمل ومسكن وفرش ؟!..
انك تتعذب ، وستلقي بنفسك في التهلكة وتكون من
الخاسرين !.

الواقظ

فقيرة ٧

يا مولانا حتسودها في وشنا ليه دنيا وآخره ،
أرجوك سيبي في حالي .

الواعظ

فقيرة ٧

باقولك لا يمكن حاستغي عن خطيبتني ثانية .
يا بني خطيبتك من الفقراء وسوف تلحق بك في
الفوج اللاحق .

الواعظ

فقيرة ٧

حستناها نموت سوي .
انه لمحِب مجنون وهذا من رجس الشيطان .. إن
النسوة لأرق قلب منكم أيها الرجال غلاظ القلوب ..
أنت يا أخت ..

الواعظ

(متوجها بعديته إلى فقيرة ٨)

فقيرة ٨

(تغني) يبقي لنا بيت صغير وولد ديما يدور علي
حاجة يهشها .. فات الميعاد .. وحدي قاعدة في
البيت فكرت في حالي وبكيت .

الواعظ

فقيرة ٨

أتغني ؟.. هذا من رجس الشيطان .
ووقف حالي من رجس أبو قردان .
أي وقف حال تقصديه ؟..

الواعظ

فقيرة ٨
 فيه وقف حال أكثر من كده عديت الأربعين ولسه ما
 تجوزتش ...!
 الواقع
 الرضا .. الرضا ...!
 فقيرة ٨
 يا عم ربنا يرضي علينا جميعا ده فلس حال .
 الواقع
 ماذا تقولين ...؟!
 فقيرة ٨
 اللي سمعته الواحدة زمان كانت بتتجوز وعندها
 ١٥-١٦ سنة لحد ما حرموا الجواز لأقل من
 ١٨ سنة وفي الأيام الغيرة لما فشلوا قالوا لا للجواز
 المبكر لحد ما بقيت لا للجواز المبكر والمتأخر ...!
 الواقع
 هذا شئ عجاب ...!
 فقيرة ٨
 آمال مش عجاب ...!!
 الواقع
 يا أختي هيبة المرأة في حياءها .
 فقيرة ٨
 يعني ضيعتوا عمري هدر وأخرتها تطلعوني
 بلا حياء ...!
 الواقع
 أفعلي ما يجب أن تفعله المرأة ..
 فقيرة ٨
 ماهو لو اتلمينا في بيت من بدري ماكناش اشتغلنا
 زى الارجوزات مره نحط أحمر ومره نحط أبيض ،

ومره نلبس قصير ، ومره نلبس طويل ، وشويه
نجرب الحب ، وشويه نتحشم وأشي تقول اللي
تتحجب هي اللي حتتجوز ولا حاجه نافعة ..!
الصبر ..الصبر .

الواعظ

فقيرة ٨

صبر إيه يا مولانا ما ضاع العمر ، ويقولوا المرأة
تعيش أزهي عصورها ، تحصل علي جميع حقوقها
، قوللي بقي حقوق إيه الخالية من الوظيفة
والجواز .. ؟! حق البرطعة في الشوارع .

الواعظ

فقيرة ٨

يا أختي متاع الدنيا قليل .
يا عمي ارحمونا لا طولنا قليل ولا كثير ، ربنا قال
قليل وهم خلوها معدوم ثم إعدام ..!
لو عرفت مشكلتك قبل هذا القرار لسترت عرضك
وزوجتك من أستاذي .

الواعظ

فقيرة ٨

أستاذك يا مولانا ..!!
أجل .. توفت زوجته وأبنائه تزوجوا ، ومل الوحدة
(في سخرية) ده في الفرحة حيكون عليه الجهاز
والخشب والستائر والسجاد وعليه الكفن والنعش ،

الواعظ

فقيرة ٨

ومصاريف الميتم .. المرأة تعيش أزهي

عصورها ...!

الواعظ

يا بنتي ارتاحي من شقاء الدنيا واقبلي علي حبل
المشقة .

فقيرة ٨

أنا أتعتدت وعليه النعمة لأعقدكم زى ما عقدتوني ،
أنا العانس المفترس ...!

الواعظ

نشوف غيرها لحد ما تهدي .. أنت يا أخت
(متوجها إلي فقيرة ٩)

فقيرة ٩

نعم يا سيدنا .

الواعظ

حقا الحياء خلق الإسلام .

فقيرة ٩

والله يا سيدي ده مش حياء .. دي كسرة نفس .

الواعظ

لماذا ...؟

فقيرة ٩

من الذل اللي شفته .

الواعظ

أي ذل تقصدين ...!

فقيرة ٩

من خراب الدار والموت اللي حط عليه .

الواعظ

ما هو حالك ...؟

فقيرة ٩

أتخرب بيتي أولاً ...!

الواقظ
فقيرة
الواقظ
فقيرة
الواقظ
فقيرة
الواقظ
ولماذا تطلقتي ؟
فقيرة
الواقظ
فقيرة
الواقظ
فقيرة
الواقظ
فقيرة
الواقظ
شكلى .. وطلقتي ..!
الواقظ
أنه نذل بن نذل .

كيف ..؟
منه لله الخواجة ومنه لله اللي كان السبب ...!
اشرحي لي بهدوء ماذا فعل الخواجة ...؟
اشترى الشركة اللي كنت فيها .
أتقصدين اتخصمت ...!
أه .. وطرّدوني منها وبقيت من زمرة الفقراء
واتطلقت كمان ...!
ولماذا تطلقتي ..؟
زى ما أنت شايف شكلى علي قدي .
حقا .. وما العيب في هذا ؟..
وجوزي زى القمر ١٤
انه لشيء عجاب ...!!
واتجوزني علي مرتبي الكبير باكوين في الشهر ،
ولما طردوني راح المال وفضل القرد علي دا الحال
.. قالها لي بصراحة حقّعدك علي إيه ؟.. لا مال ولا
شكل .. وطلقتي ..!
الواقظ

فقيرة٩ وكنت واخذه شقة تملك أفساط ، مقدرتش ادفع

قسط واحد ...!

الواعظ

تقدمي يا ابنتي للإعدام .

فقيرة٩

يبقي خراب ديار وموت .. يا فرحتي .

الواعظ

يا أختي الموت استر لك من تلك الحياة المهينة .

فقيرة٩

لأه .. ده ظلم تعملوا فيه كده وعايزين تموتوني ...!

الواعظ

هذه كارثة لا طاقة لي بها يا سيادة القائد ...!

(متوجها بالنداء ناحية الباب ، ويدخل القائد)

القائد١

مؤكد طول الفترة دي مكنتك من إقناعهم ..

الواعظ

أنا لا حاجة لي في العقد النفطي ، لقد جننوني ...!

(ينصرف مسرعا)

القائد١

(ينظر إليهم بضيق) أئدال .. خونه ، ضاعت عليه

فرصة العمر ، راح المنصب الرفيع .. اسمع أنت

وهو أنا ممكن أضربكم بالنار وأفرض القصة ، لكن

عايز أبناء بلدنا يموتوا شرفاء ، كرماء ، مرفوعي

الهامة ، صحيح أنتم فقراء الجيب ، لكن أغنياء

النفس وأنا متأكد أنكم حتندموا علي تأخركم في

تنفيذ القرار وحتنطوا لوحديكم علي حبل المشنقة
بكل ثقة وإيمان ، وبروح الفروسية وبوطنية فياضة
من أجل بلدكم ، لهذا قررت قبل أن تقدموا علي هذه
الخطوة أن أمتعكم بلحظات لن تنسوها أبدا بعد
موتكم ، أنها مفاجأة عظيمة سوف تلتقون بزويكم
في مشهد وطني مهيب ، سوف يقنعونكم بسرعة
قبول القرار ، لنيل شرف التضحية وسوف
تطمئنونهم بقبولكم للقرار ليفخروا بكم مدي الحياة ،
استعدوا إلي لحظة لقاء رائعة ووداع أروع ...

(ينصرف القائدان)

تفضلوا يا جماعة ادخلوا .. وأحذركم من خيانة
الوطن ، وأذكركم بقانون الطوارئ والإرهاب الذي
لا قاضي فيه ولا محامي ، والأمر لنا فقط ...!

(يدخل رجل يلبس قبعة وفي يده غليون)

ده ابني الكبير .. أنا كنت متأكد أنك لا يمكن
تتخلي عني ...!

دا أنت والدي أراي يا والدي ؟!..!

ص/
القائد

فقير

الابن

فقيرا فاكّر لما كنت باشييك علي كتفي في المطرة واوديك
المدرسة ..

الابن فاكّر .

فقيرا ولما دخلت الإعدادي اشتريتك حمار العمدة وقعدت
اخدمه شهور لسداد تمنه علشاتك ..!

الابن فاكّر طبعا .. (في تأس) ذكريات جميلة .

فقيرا طيب ليه تنساني عشرين سنة في بلاد
الخواجات ..!؟

الابن دوامة العمل خدتنني لحد ما بقيت من كبار رجال
الأعمال .

فقيرا وده ينسيك أبوك ..!؟

الابن كان واجب انسي الماضي المؤلم اللي عيشته وابدأ
حياة جديدة .

فقيرا قصدك إيه ..!؟

الابن انسي الحياة البؤس اللي عيشتها ، علشان تملك
حماره خدمت العمدة شهور تسدد في تمنها ولا
عملي في الحكومة سنين ، ما وفرتش منه حاجة

ولا مشروعي اللي فتحتة ، يساعدي في الحياة
جبلي سجون وضرايب وتأمينات والأخر بيعت صيغة
أمي الله يرحمها وهربت لحد ما تسقط الأحكام ،
كلام صحيح ولا بالكذب يا بابا ..

فقيرا

صحيح .. لكن تنسائي عشرين سنة في بلاد
الخواتم لحد ما قيدوا أسمي من الفقراء الواجب
إعدامهم .

الابن

كان ضروري أتغير نهائيا ، والأول أتخلص من
الماضي المعقد اللي أفسد عليه حالي ومنعني من
الانسجام مع روح العصر والتطور ، الماضي اللي
طاردني في نفسي ومنع مني النوم وغرس فيه
الكره والحقد واليأس واللامبالاة والخوف وفقدان
الثقة ..!

لكن أنا يا بني ..!

فقيرا

الابن

أيوه وعاييز أنساك أولا قبل كل شئ ، فاكر لما
اشتركنا في مظاهرة من أجل الحرية وجم قبضوا
عليه وضربك العسكري بالشلوط وداس علي راسك

بجزمته علشان مسكت فيه ومش عايزهم ياخدوني

، انتم الماضي ، كنت عايز أنساك ونسيتك !!..

نسيتني يا بني .!

فقيرا

أه ..علشان اشتغل وأبدأ حياة جديدة وانجح ،

الابن

ونجحت ، وبقيت من كبار رجال الأعمال بره .

يعني أنت مش عارف الحالة اللي أنا فيها ..!

فقيرا

عارف طبعا .

الابن

طيب ليه مابتسألش علي أبوك ؟!..

فقيرا

علشان أنا ادمجت في النظام العالمي الجديد .

الابن

أزاي يا بني ؟!..

فقيرا

دي عملية معقدة ، لكن اللي يهم موضوعك منه إن

الابن

النظام العالمي الجديد رفض مساعدة الفقراء ..

ليه يا بني هيه طبليت علي رأسنا من كل السكك

فقيرا

!؟..

أه ، بيقول لا يمكن حيساعد الشعوب اللي فيها

الابن

دكتاتورية ، والفقير فرض علي شعوبها

من حكامها ..!

فقيرا
 الابن طيب وإحنا ذنبنا إيه ؟..
 هم ذنبهم إيه يدوكم معونة تصرفوها علي حراسة
 القيادات ، والفقرا زي ما همه !..
 فقيرا والله يا بني حاجه تحير !..
 الابن (ينظر في الساعة) ياه ..أتأخرت .
 فقيرا إيه يا بني ، مستعجل ؟..
 الابن أه .. الوقت عندنا مهم غير هنا !..
 فقيرا طيب يا بني ما تحل مشكلتي أنا !..
 الابن ما هو أنا قولتلك أنا مرتبط بالنظام العالمي الجديد .
 فقيرا وده يمنع إنقاذ أبوك ؟..
 الابن طبعاً .. خيانة للعهد .
 فقيرا أنت أتغيرت ما بقتش ابني اللي ربيته ، قلبك قسي ،
 المال أصبح دينك وقبلتك !..
 الابن قللتك أنا نسيت هنا خالص .
 فقيرا أمال جاي ليه ؟..
 الابن أنا جاي مع واحد خواجه صاحبي بشتري شركة
 متخصصة .

فقيرا

يعني حثقتد هنا ؟..

الابن

لاه .. أنا حاخد عمولتي منه وبس وهو
اللي حيشترها .

فقيرا

اسمع يا بني إعدام الراجل الحر ولا ذلتة لأبنه
بالذات ..!

(يدخل جندي يتنحني ويرغر للأبن مغيفا إياه ،

قاطعا المسرح ذهابا .. إيابا ..)

الابن

مالك متتح كده فاكرنى حأخاف منك ، معايا جنسية
أجنبية ، أنت ما بتقدرش إلا علي أهل بلدك بس ..!
قوله يتعدم ويخلصنا .

الجندي

الابن

بعد إذنك يا والدي وقتي من ذهب .

(يخرج مسرعا وهو يتلفت للجندي ،

الذي يخرج خلفه ، ثم يدخل رجل من الخارج)

الرجل

(مخاطبا فقير ٢) اسمع يا راجل أنت .. أنت عارف
أنك مقطوع من شجرة لأن أهلك زهقوا من علاجك
وأنت ماعدش حيلتك حاجة ، ومعدش عندك صحة
تلف تشحت في المواصلات والدواء كل يوم بيغلي

الضعف ، والمستشفيات العامة عليها التشخيص
والدواء علي حسابك ، والمستشفيات الخاصة اليوم
فيها قد دخلك عشرين سنة ، وبصفتي جارك قلت
أجي أودعك وده جميل عظيم في زمن انتهت فيه
المودة والمرؤه كل واحد بيقول يا رب نفسي ...!

(يدخل الجندي بمنظره المخيف)

مالك بتبصلي كده دا أنا جاي مرؤه مني ، ابقني
سلملي علي أبويه الله يرحمه ، وقوله أمي أتجوزت
بعدك تلت مرات لكنك أفضلهم ...!

(يخرج الرجل وخلفه الجندي ،

وتدخل سيدة عجوز)

تيتا أنت جيتي ، عرفتني أنهم حيعدموني ، ما
تخليهمش يعدموني .

هو أنا بأيدي حاجه ...!

يا تيتا ...!

نعم يا حبيب تيتا .

لو مت ما تنسيش تحطي أكل لحماي اللي

الرجل

فقير ٢

الجدّة

فقير ٢

الجدّة

فقير ٢

فوق السطح .
 أنا عيناله صفيحة دره تحت السرير .
 ابقى كتري له الأكل شويه .
 ليه ..؟
 علشان حمام الجيران متعود يأكل معاه ، أصلهم
 بيحبوا بعض ويباكلوا مع بعض مش زينا ، يا
 ريتني كنت حمامة معاهم ..
 أنت عندي بالدنيا كلها !..
 إذا كنت غالي عندك ما تخليه مش .
 (مقاطعة) هو أنا بأيدي إيه ، الدنيا مع القوي !..
 اسمعي يا جدتي .
 قول يا روح جدتك .
 أنا سمعت الواعظ بيقول إحنا شهداء وما
 حنموتش !..
 هو أدري .
 تبقي كده .. تحطي الدرہ علي قبري .
 ليه يا بني !..؟

الجددة

فقير

الجددة

فقير

الجددة

فقير

الجددة

فقير

الجددة

فقير

الجددة

فقير

الجددة

فقير
 علشان حاشوف حمامي وهو بياكل منه .. اصلي
 بأحب حمامي خالص يا تيتا وهو بيحبني .
الجدة
 يا بني كفاية قطعت قلب جدتك !..
فقير
 أوعي يا تيتا تقوللي للحمام أني مت ، علشان ما
 يسبش المكان ويطفش !..
الجدة
 يا بني ما عدتش تقولها ، هريت كبد جدتك .
فقير
 أنا ياتيتا مش عايزك تكلفي نفسك بعد موتي .
الجدة
 قصدك إيه يا بني ؟..
فقير
 ما تخسريش نفسك رحمه علي روعي .
الجدة
 حرام عليك يا ضنايه ، كفايه .
فقير
 اصلي سمعت الشيخ يا تيتا بيقول الأطفال ما
 بيتحاسبوش !..
الجدة
 لأه لأه معدتش قادره اسمع !..
 (يدخل الجندي ، يكح بعنف ..تسقط الجدّة مفشيا عليها ،
 فيحملها الجندي للخارج ، وتدخل سيّدة)
فقير
 أنت جيتي يامراتي ..
الزوجة
 يوه مسير الميت يتلاقى .

فقير

الزوجة

حلوه دي مسير الميت يتلاقى ...!
ما هو يا راجل إحنا عاملين الفسقيتين جنب بعض
عين حريمي وعين رجالي .. واهو انتم السابقون
ونحن اللاحقون ...!

فقير

الزوجة

فقير

الزوجة

أنت يا وليه بتهزري وأنا علي وش موت ...!
ما هو هم يضحك وهم يبكي ...!
معاك حق .
يا خواتي هو فيه في الدنيا قرار اسمه إعدام
الفقراء .. لما اسكت أحسن الدنيا مقلوبه بره .

فقير

الزوجة

فيه إيه ...؟!
الرتب ملقحه شمال ويمين ماتتعدش ، وعريبات
بالهبل والعسكر ملح مبدور واشي يصور واشي
يذيع ...!

فقير

الزوجة

ما كانوا أدونا الفلوس دي جبروا حالنا وفلتنا من
الفقر ومن القرار الأسود ده ، ما تقوليلهم
يا وليه ...!
يوه يا راجل .. أنت اتهبلت !.

فقير

أنت عايزاني أتعدم ؟!..

الزوجة

هو أنا اطلع مين يا راجل أنت علشان أقرب من

الرتب دي ..!!

فقير

(ساخرا) مرات المعدوم رقم ٤ ..

الزوجة

يخبك دا عيني جت في عين واحد منهم غلط إلا

ولقيت عسكري بيهفني علي قفايا بالقلم وبيقولي ما

تبخلقيش للباشا يا خنزيرة ، أمشي عدل وحطي

بوزك في بوز جزمك ..!

فقير

أوعي العيال يكونوا شافوكي وأنت بتضربي ..!

الزوجة

لأه .. كانوا بعيد .

فقير

أحسن .. ليتعدوا .

الزوجة

اسمع يا راجل أنت الكلمتين دول .

فقير

كلمتين إيه ؟!..

الزوجة

أنت حاتموت .. حاتموت .. لأن اللي فوق قلبهم

قسي خلاص .. يبقى موت بكرامتك ..

فقير

يعني كده ..!

الزوجة

أه .. أنت اللي علمتني الكرامة رغم فقرنا .

(يدخل الجندي في مشيته المهيبة)

مالك كده زى مارء الجبابة ، فاكربنا حانتذلك ، أبءا
..جوزي حيموت بكرامته (وهي خارجة) الرب
واءء والعمر واءء والموت علي رقاب العباء ، موت
بكرامتك يا جوزي (تنصرف الزوجة)

الجنءي

(وهو خارج) قال كرامه .. هه متجوزه يا خيه
بارم ديله ، صحيح العن ما علي الأرض الفقير
المتكبر ..! (يختفي الجنءي خلف الباب)

(تدخل سيدة آخري)

الزوجة ٢

يوه يا راءل .. ءا كلام ءء كءه ..!

فقيره

أنت ءيتي يامراتي .

الزوجة ٢

أمال ما ءيش ..!

فقيره

مؤء قلبك أءقطع علشاني .

الزوجة ٢

علشاني أنا قبلك .

فقيره

ءا أنا اللي حيعءموني .

الزوجة ٢

وأنا اللي حاقد لبءءة الزمن .. أوعي تموت .

فقيره

هو أنا بأيءي إيه ..!

الزوجة ٢ أتصرف قبل ما تموت مين اللي حيسدد الديون اللي

عليك ، شيكات وكمبيالات أقساط الشقة ..!

فقيره أنا عارف .

الزوجة ٢ ما هو أنا ضمناك في كل ورقة يعني حادخل السجن

حادخل .

فقيره هو أنا في أيدي حاجة واتأخرت ..!

الزوجة ٢ خلاص .. ارجع الدنيا حلها قبل ما تروح الآخرة .

فقيره دا قرار دولة أردده الزاي ؟..

(يدخل الجندي بمشيته المهيبة زاجرا)

الجندي أنا سامعك يا وليه .. عايزه إيه .. واقفة ضد

القانون ، فاكراها سايبه .

الزوجة ٢ يا شاويش دا أنا وهو ومش سلكاتين في الدنيا

تقوموا تاخدوه كمان وتسيبونني لوحدي ، عليه

النعمة ماتا منقوله من غيره ، هه واعملوا ما

بدالكم ..!

الجندي هه .. هه .. إيه حنحتر فيكي ياله هيله بيله .

(يحملها الجندي ويخرج ، بينما هي تصرخ)

- ص / ماحسلكش في الدنيا لوحدى .
 الزوجة ٢ (وتدخل سيدة أخرى)
 فقير ٦ أنت إيه جابك .. سلميتها لسيدك ولا يهكم ؟
 الزوجة ٢ ما يهمنش ازاي وانت بركة الدار والغيط .
 فقير ٦ يا وليه جوزك مقلع سناته وفاهم الكفت .
 الزوجة ٢ قصدك إيه ؟!
 فقير ٦ دول جايينكوا هنا ضحك علي الدقون .
 الزوجة ٢ أزاي ؟..
 فقير ٦ يعني حيعدمونا حيعدمونا .
 الزوجة ٢ والعمل !..
 فقير ٦ نفكر بقي بالعقل .
 الزوجة ٢ أزاي ؟..
 فقير ٦ يعني اعتبريني مت من دي الوقت !..
 الزوجة ٢ بعد الشر يا راجل .
 فقير ٦ ما هو ده اللي حيحصل دى الوقت خلىنا عاقلين .
 الزوجة ٢ والله يا جوزي ما عارفه أقول إيه ولا إيه ؟..
 فقير ٦ قولي عوضنا علي الله واعملي اللي أقولك عليه .

- الزوجة ٢ قول .
- فقير ٦ ما عدتتش تبيتي الشب مع البهايم .
- الزوجة ٢ ليه ؟..!
- فقير ٦ بيقد ينطح فيهم طول الليل .
- الزوجة ٢ من النهارده حيبات لوحده في الحوش .
- فقير ٦ وما عدتتش تخبزي تاني عيش الدار علينا بالخسارة .
- الزوجة ٢ أنا عارفة .. حاخلي شرانا كله من الطابونه
- فقير ٦ وكمان اشترى للفراخ والغنم عيش من الطابونه
- الزوجة ٢ ارخص كثير من الحب .. ماهو الكل بيعمل كده .
- فقير ٦ ماهي الدولة كلها نصاحه .. وعلي فكرة ..
- الزوجة ٢ إيه ؟..!
- فقير ٦ ما حتطوليش في الدنيا .
- الزوجة ٢ شفت رؤية ولا إيه ؟..
- فقير ٦ بالمفهوميه كده .. جوزك مش متعلم بس مخه كله
- قنابل ذريه .
- الزوجة ٢ قوللي عرفت اني لحقاك أراي ؟..

فقير يا وليه الميه اللي ماليه الترع والغيطان واللي ليلنا

نهارنا فيها مجاري في مجاري .

الزوجة ما أنا شايقة المجارير كلها وعربيات الكسح بتفضي

في الترع .

فقير يبقى لو فلتني من الفشل الكلوي حتقعي في الكبد ،

يعني لو صبر القاتل علي المقتول كان مات

لوحده ...!

الزوجة قصدك إيه ...؟

فقير قصدي لو خدوا برأيي وطولوا بالهم كان الشعب

كله مات لوحده من غير القرار الأسود ده ...!

الزوجة أهي العجلة من الشيطان .

فقير ونبيهي علي العيال يلهوا في الغيط والبهائم بس .

الزوجة أنت خايف يلهوا في إيه ...؟

فقير شوفي لو دريت في قبري أنهم مشيوا وري بتوع

الانتخابات حاكسر عليك الفاس لما تجيلي

في الآخره .

الزوجة أقولهم يبعدوا عن الانتخابات ليه ...؟!

فقير٦

دول بكاشين ونهابين ولا حد بينشال ولا حد بينحط
، كله ضحك علي الدقون وأنا عايز عيالي يتربوا
علي الصدق والأمانة .

(يدخل الجندي بمشيته المهيبة)

الجندي

قولولي بقالكوا ساعة بتفتوا في إيه ؟! فاكرين
نفسكم علما ولا خبرا .. دا انتم جوز فلاحين الفهم
ما يرضاش يقرب منكم .

فقير٦

والله أنت لو بتفهم لغيرت مهنتك .

الجندي

شبعني منه يا الله بقي .

(يخرج الجندي والسيدة)

فقير٧

مش فاهم خطيبتي تأخرت ليه ؟! مؤكد فيه
حاجه حصلت .

(يسمع صوت من الخارج)

ص/

أه فيه حاجه حصلت ؟!

الخطيبة

فقير٧

ده صوتها ، أهي جت ..

ص/

أه صوتي أنا جيت .

الخطيبة

فقير٧

الحمد لله حاشوفك .

ص/ لأه .. ما حتشفنيش أبدا .
الخطيبة
فقير٧ ليه .. مين اللي منعك عني .. ادخلي ؟..
ص/ ماقدرش !..
الخطيبة
فقير٧ ليه ؟..
ص/ اتخطبت .
الخطيبة
فقير٧ ما أنا خطيبك .
ص/ كان ..
الخطيبة
فقير٧ امال إيه اللي حصل ؟..
ص/ اتخطبت لغيرك .
الخطيبة
فقير٧ ازاي .. قولي .. !!
ص/ سنين خطوبه مانتجوزش شبابي راح هدر
الخطيبة
حاستني تاني لأمتي .. الحل كل واحد يروح لحاله
أحسن ؟..
فقير٧ ومين اللي خطبك ؟..

ص/ نجار المسلح اللي قصادنا .

الخطيبة

فقير ٧ أراي وانت ليساتس آداب ..!!

ص/ ده الحل الوحيد .

الخطيبة

فقير ٧ اخص عليكى .

ص/ آمال عايز أضيع عمري هدر ، حبيت أعرفك علشان

الخطيبة

العشرة .. (تقذف بالدبلة) خد دبلك أهه حقك أنا

اللي فركشت والذهب غلى جدا ..!

فقير ٧ حاعمل بيها إيه ما أنا حاموت ..!

ص/ الدوام لله .. وشكر الله سعي .

الخطيبة

فقير ٧ كده تعملها أنت اللي قتلتيني مش حبل المشنقة .

(يدخل الجندي)

الجندي

اديتك بمبه موت بالحسرة قبل نر الحبل (يخاطب

فقير ٨) اسمعي يا ست أنتي ماحدش جه من طرفك

نهائيا .. أنت مقطوعة من شجرة ولا الدنيا كلها

كرها كي (يخرج) .

فقيرة ٨

وحدي قاعدة في البيت فكرت في حالي وبكيت ،
واحده راح شبابها وعاطلة مين يا حسرة اللي
حيعوزها العمل شرف العمل واجب ، العمل حياة ،
لا للزواج المبكر ، أي إحنا عاطلين وعجزنا والحمد
لله ، يقولوا شبابها ولا جمالها اسو راح شبابها
وخذ في رجليه جمالها ، المرأة تعيش ازهي
عصورها ، إيه رأيكم في عصري المهيّب ، هو فين
المجلس القومي للمرأة ، اللي طول النهار يخطب
ويجتمع ويفتي ويقبض ييجي يحل مشكلتي بدال
الشعارات والتهافتات .

(يدخل الجندي)

أنت يا وليه مخك لسع بتكلمي نفسك .

ه .. مخي لسع .

ه بقي ... ؟

م اللي شفته هو أنا شفت شويه .

أنا ادري بحالك .

قال المرأة تعيش في ازهي عصورها .. دا أنا

الجندي

فقيرة ٨

الجندي

فقيرة ٨

الجندي

فقيرة ٨

واحد من بين تسعة مليون عانس وشاغلين بالهم
المرأة تبقى قاضي ولا حرام شرعا ، يا خي جوزونا
بلا حسرة .

الجندي

ومكلبشه في الدنيا ليه مادام حالك يغم كده ؟!..
عايزني اسيب اللي دمروا حياتي يتهنوا بالدنيا
وأموت .. لأه ما حامتش .

فقيرة ٨

الجندي

هو بكيفك .

فقيرة ٨

أنا قاعد لهم أنا العانس المفترس .

الجندي

تخ في بوزك الفقر اللي ما حد راضي يسأل عنك .

فقيرة ٩

ياشويش ..

الجندي

عايزة إيه أنت كمان ؟!

فقيرة ٩

ما تنتظروش حد يسأل عليه ..

الجندي

ليه أنت كمان فاتك جيزة زييها ؟

فقيرة ٩

أكثر من كده .

الجندي

خير .

فقيرة ٩

أنا اللي خيبيها الزمن ورمتها الأيام .

الجندي

ليه واكله عيالك ؟!

فقيرة

أكثر .

الجندي

يا حفيظ يا رب .

فقيرة

واحدة شغلها رماها وجوزها رماها ودارها سابقتها

مين حيسأل عليها .

الجندي

أنا بقي كده دوري خلص حانادي القائد يتصرف

معاكم .

(ينصرف الجندي)

فقيرة

اسمع بقي أنت وهو أنا بقي مخي فيه قتابل ذرية

اللي حاقله ضروري تمشوا عليه الواجب والعرف

جري قبل الشنق يلبوا طلب للمعدوم في الدنيا .

تمام ..وده من حقنا .

الجميع

فقيرة

نطلب منهم يعملوا يوم زى ده بس للأغنياء

ويسموه يوم محاكمة الأغنياء وبشرط ..

إيه ..؟

الجميع

فقيرة

ما يعدموناش إلا إذا انتهت محاكمة الأغنياء .

ليه ..؟

الجميع

فقير

علشان لو ده حصل حتنتهي محكمتهم بان إحنا

حنقتني ..

أزاي ؟!..

الجميع

فقيرا

أن المحكمة حترجع لنا حقوقنا اللي نهبوها
الأغنياء ونغتنى ونفلت من شرط الفقر ونطلع براءة
وهم اللي حيتعدموا علي الأموال اللي نهبوها
مننا...!

الجميع

فكرة عظيمة .. معاك الحق لو فيه عدل
في البلد ..!
(يظهر القائد متصلا خشبة المسرح في كبرياء وتعدي)

يسدل الستار

المؤلف في سطور

محمد صدقي المسلمي

مواليد قرية المسلمي - مركز ههيا - شرقية

باحث أول ثقافة بوزارة الثقافة .

عضو اتحاد كتاب مصر .

عضو نادي الأدب بالشرقية .

صدر له :

١- آه يا وطن - مسرحية

٢- ظهر المسيح في بابل - مسرحية

٣- يوم إعدام الفقراء - مسرحية

تحت الطبع :

١- جواهر - مسرحية

٢- الوزير المعتوه - مسرحية .

٣- عالم مناخوليا - مسرحية .

٤- الدنيا ما تسواش - قصص قصيرة .

٥- مائة سؤال إجابته من سورة يوسف .